



Republic of Zambia

Ministry of Education

LITILICA MU CIBEMBA

ICITABO ICAKUBOMFYA KAFUNDISHA

FOMU 1 - TEMU 2



Developed by the Curriculum Development Centre

Lusaka

2025

© Curriculum Development Centre, 2025

Insambu shonse ishapali ici citabo shaba Curriculum Development Centre. Tapali icipande ica ici citabo icingabomfiwa munshila iishasuminishiwa ukwabula ukupoka insambu kubeene bacitabo.

Bakaleemba:

Francis Lubunda: Specialist - Curriculum Development (Icibemba), Curriculum Development Centre, Lusaka.

Siame Pethias (Dr.): Lecturer – Kwame Nkrumah University, Kabwe.

Lombe Precious: - Mufulira College of Education, Mufulira.

Charles Mutale: Headteacher – Kawambwa Central Secondary School, Kawambwa.

Davies Mwewa: Headteacher – Lukanda Primary School, Kapiri Mposhi.

Norah Nampasa: Teacher – Kasama Boys Secondary School, Kasama.

Charity Pule: HoD – Musenga Combined Secondary School, Chingola.

ISHIWI LYANTANSI

Ukutendeka kwakupilibula nokubomfya ubutantiko bupya ubwa masambililo ayalekomaila pamusambi ukwishiba ifyakubomba imilimo (Competence-Based Curriculum) kubeleleko ukukansha abasambi pakuti beshibishe imilimo iilefwaikwa munkulo iyandakai.

Ubusalo bwa aya masamililo ayapya ayakwishibisha ifyakubomba imilimo yali munshila nangula mulutampulo lwakupilibula nokupakamisha amasambililo ukullosha kumilimo abasambi bafwile ukwishiba.

Iciputulwa ca masambililo cili icayangwa kumafya ayengatumbukamo ilyo lyonse kwaba ukupilibula imipekanishishe yamasambililo. Kanshi cili icaipesha ukupekanya ifisolobelo ifyakubomfya pakufunda nokusambilila mukutungilila imifundile yabasambi mucaalo conse.

Ici icitabo cakubomfya pakufunda Ibibemba capangwa ukukonka na imipekanishishe ya basambi iipya iyakukonkomesha nganshi pakubakansha mukwishibisha ifyakubomba imilimo ukupitila mukushininkisha ukuti amasambililo yabasambi nayalolenkana nemilimo iilekabilwa ukubombwa mucaalo. Iyi mipekanishishe yamasambililo ya 2023 Zambia Curriculum Framework ilekomaila pafyo abasambi balingile ukwishiba ifili pamo nga ukubombela pamo, ukutontontanya mukushika, ukucenjela mufyakupanga-panga na amaano yacifyalilwa, inshila shakupwishamo amafya, ukwishiba nokutontontanya ifyakusobolola imilandu, ukuibaka mu maano, ukwishiba ukubomfya kompyuta mukulemba nokubelenga elyo nokwishiba ifyakucita amakwebo yakuisungilamo.

Imitwe yamasambililo, imitwe inoono, nokutendeka ukubomfya iyi nshila yamasabililo ikabila ukukomaila pakwishiba ifyakubomba imilimo iyalekana-lekana elyo nokuipesha pamaka mumibombe.

Kanshi ndi nesubilo ilyakuti iyi mipekanishishe yamasamambililo ili nokwafwilisha apakalamba ukupitila mukubimbamo abasambi bonse muno caalo ca Zambia.

Ici citabo cilelenga ukuipesha ukwaba pa ciputulwa ca masambililo pakuti ubu bupilibulo bwa masambililo bube ubwayanguka kuli bakafundisha, ukupitila mukubalangilila bwini-bwino ifyakufunda, ukulondolola mukwanguka imilimo nangula ifyakucita elyo nenshila shakweseshamo abasambi ishalekana-lekana mu mipekanishishe ipya iya masambililo. Leelo nangula cingaba ifi, bakafundisha bali abasuminishiwa nokucincishiwa ukulundamo imilimo iyo bengamona iyakwafwa abasambi ukulingana nefyo bengafwailisha ukupitila mufyo baasambilila, mukucincila, nokusalapuka kwabo pakuti bakwanisha ukubiikamo imilimo imo-imo iishili muli ici citabo leelo ilemoneka ukukabilwa panshita balefunda abasambi mu ncende shabo.

Ici citabo cakubomfya pakufunda Ibibemba capekanishiwa mukupeela bakafundisha ifisolobelo nokubalangilila inshila shakufundilamo Litalica mu Cibemba kudasambi abali mu Fomu1.

Amasambililo yamu Fomu 1 aya Litalica mu Cibemba yapekanishiwa ukupitila mukubebeta, ukupitulukamo ukwa mipekanishishe ya masambililo yamu 2023 ukwacitilwe neciputulwa ca masambililo. Uyu mulimo wakupitulukamo waletelwe pamilandu iyingi nencenshi ishingisho ishakabiile nganshi ukupilibula amasambililo ukufuma mufyo abasambi baleishiba: Outcome-Based Curriculum (OBC) ukuya kunshila iipya iyakukansha abasambi ukwishiba ifyakubomba imilimo: Competence-Based Curriculum (CBC).

Uku kupituluka mu masambililo nakabili kwabeleleko pamulandu wakufwaya inshila yakukana peelafye abaana amano yakwishibafye ifuntu epela leelo ukubapeela na ubwishibilo pafyo bacindikakisha, ukukwata imbela iyisuma nokwishiba ifyakubomba imilimo iyo bengalabomba namubuumi bwabo ilyo bapwisha amasukulu yabo nangula ilyo bapwisha amasambilil yabo.

Kelvin Mambwe (Dr.)

Permanent Secretary – Educational Services

MINISTRY OF EDUCATION

UKUTASHA

Ici citabo cakubomfya pakukafunda Litalica mu Cibemba mu Fomu 1 catumbuka mukubimbamo nokubombesha apakalamba ukwa bantu abengi aba muciputulwa ca masambililo elyo nabambi abashaba muli ici ciputulwa. Kwali ukufwailisha nikwipushanya apakalamba kutubungwe twamu caalo utwalekana-lekana na kubantu abalekana-lekana pakwishiba itontonkanyo lyabo palubali lwa ubu bupilibulo bwa masambililo ukulolekesha pa masambililo yakale elyo nemipekanishishe ya ndakai.

Iciputulwa ca masambililo ciletasha apakalamba bonse abasendelemo ulubali muli uyu mulimo pamilangwe yabo iyo babiikilemo mukupanga ici citabo ca mifundile ya Litalica mu Cibemba kubasambi abali mu Fomu 1.

Namukulekelesha ndepeela ukutasha nganshi kubabomfi bonse abaku ciputulwa ca Curriculum Development Centre pakuipelesha kwabo konse mukulemba ici citabo upekanya, elyo nokupwishishisha ubutantiko bupya ubwa aya masambililo.

Charles K. Ndakala (Dr.)

Director Curriculum Development

MINISTRY OF EDUCATION

IFILI MUCITABO

1. Ishiwi Lyantanshi	iii
2. Ukutasha	v
3. Ifili mucitabo	vi
4. Amashiwi yamo-yamo ayabomfiwa mucitabo	vii
5. Intendekelo	ix
6. Ifyo Icitabo Cifwile Ukubomfiwa	x
7. Inshila Yamifundile	xi
8. Ifilekabilwa Ukwishiba	xii
9. Umutwe 1: Lilitica Ya Kulandafye	1
10. Umutwe Unoono 1: Imilimo Ya Misango Ya Lilitica Ya Kulandafye	1
11. Umutwe Unoono 2: Ukulondolola Imisango Ya Lilitica Yakulandafye	16
12. Umutwe 2: Lilitica Yalembwa	23
13. Umutwe Unoono 1: Imisango Ya Lilitica Yalembwa (Ifitabo Fya Ilyashi, Amalango Na Utusela)	23
14. Umutwe Unoono 2: Amabumba ya misango ya Lilitica yalembwa	26
15. Umutwe Unoono 3: Ukupalana Na Ukupusana Kwa Misango Ya Lilitica	33
16. Umutwe Unoono 4: Imilimo ya Lilitica lyalembwa	38
17. Umutwe 3: Ifisolobelo Fya Mu Lilitica	42
18. Umutwe unoono: Imisango Yafisolobelo Fya Lilitica	42
19. Umutwe 4: Akashimi (Ifibombelo Babomfya Pakupanga Akashimi Kulanda)	49
20. Umutwe Unoono 1: Imibele Ya Bantu Atemwa Ifintu Fisangwa Mukashimi	49
21. Umutwe Unoono 2: Ubwanshiko Bwa Ilyashi	60
22. Umutwe Unoono 3: Inshita na Incende Ya Ilyashi	68

AMASHIWI YAMO-YAMO AYABOMFIWA MUCITABO

Amabumba – Fintu ifyalingana ifibikilwe pamo

Bukaimbi – Ukuba uwakosa mukucita ifintu

Bukaitemwe – Ukufwaya fyonse fyawamina iwe

Iciunda – Icongco ico icifuma mukulanda, mukulisha ing’oma nangu icintu icapala akapyelele

Ifisekese – Imiwaya babomfya ilyo baleimba inyimbo

Ifisolobelo – Ifintu ifyo babomfya pakubomba umulimo umo

Ifikomo – Ifintu fimofimo ifibomba nga inceshi mu milandu atemwa mulyaashi

Imfunda-buteshi - Umuntu uufunda pa fintu ifyo ashicita

Imbeela – Umusango wakucitilamo ifintu atemwa ifyo icintu caba

Imilangwe – Imipulwe

Ininda-minwe – Imbalaminwe

Inkuntu –Ukwimuna itontonkanyo lyakwibukisha fimo

Intambi – Ifishilano fya mutundu ifilanga ifyo umutundu wasuminamo

Inshintu – Ukulanda mukushintuka

Ipinda – Insoselo iyakwata ubupilibulo ubwashika

Kaswili/incenshi – Umuntu uwaishibisha atemwa uwakwata ububwishibilo bwa cintu ubwapitapo

Munkolo – Mumbali yang’anda/mulukungu

Ubufumfuntungu – Ukukana cita ifintu mucishinka

Ubukumu – Ifisuma ifilefuma mukucita fimo

Ukubebeta – Ukufwailisha ifintu fimo makamaka pakufwaya ubupilibulo bwacintu

Ukukampula – Ukusalapula

Ukukansana – Ukutalikishanya pakati kafintu fibili

Ukulengulula – Ukufwailisha icinshinka

Ukupinkana – Ukulwishanya kwa itontonkanyo atemwa abantu pakuti pamoneke umukalamba atemwa itontonkanyo lyacimfya

Ukusobolola – Ukubika ifintu umo filingile ukuba

Ukutumbula – Ukusosa icili ku mutima

Ukututula – Ukulepula icitenge icisapwike elyo ukucibilinkanya nakabili

Ukuwikishanya – Ukubeleshanya uluse atemwa ukubweshanya

Umolokoso – Ubwalwa

Umundowendowe – Ukumfwa bwino ilyo ulecita ifintu fimo

Umushikakulo – Kulumbanya icintu atemwa umuntu mukwanga mwishiwi ilyapamulu

Umupukumo – Inyimbo shansansa isho abantu beemba ngabali pa maliila atemwa ilyo balenwa ubwalwa

Litilica iyakulandafye – Iyo mucigeleshiu iitwa nga Oral lliterature

Litilica iyalembwa – Iyo mucingeleshi iitwa nga Written literature

INTENDEKELO

Ici citabo icakubomfya pakufunda Litalica mu Cibemba mu Fomu 1 capangiilwe ukwafwilisha ukupekanya nokufunda amasambililo ukukonka nemipekanishe ipya iya masambililo iyamu 2024 iyasuminishiwa neciputulwa ca masambililo. Nakuba ici citabo cili pakwimininako ifitabo ifyalekana-lekana ifyakubomfya pakufunda ifyo ifishilalembwa pali kano kashita elyo nokwafwilisha bakafundisha mukubalangilila imilimo iyo abasambi balingile ukucita elyo na ifyakwesha abasambi ukulingana nefyo balekabila pamushinku bafikilepo.

Iciputulwa ca masambililo cili icaibukila nokwishiba amafya yamo-yamo ayaletumbuka muli uku kupilibula kwa masambililo mukutwala abasambi mukwishiba imilimo imo-imo iyo bafwile ukwishiba ukubomba. Ukulemba kwa ici citabo kulelangisha ukupelesha kwa ciputulwa ca masambililo mukumona ukuti ubu bulendo bwakupilibula amasambililo bwaba ubwayanguka kuli bakafundisha ukupitila mukubalangilila ifyakufunda abasambi imilimo, ifyakwesha abasambi ukukonka ifilekabilwa muli ubu butantiko. Leelo nangula cingaba ifi, bakafundisha bali abacincishiwa ukulundapo imilimo imo-imo iyakufunda abasambi iishili muli ici citabo ukupitila mukufwilisha kwabo nokusalapuka kwabo pakutula bakwanisha ifilekabilwa kubasambi ilyo balefunda aya masambililo.

Kuli isubilo ilikalamba ilyakuti ici citabo cili nokwafwilisha bakafundisha ilyo balefunda abasambi muli ubu butantiko bupya ubwa Competence-Based Curriculum, ubulepakamisha ubuumi bwa basambi mukubapeela amasambililo ayalingana nemilimo ilekabilwa ukubombwa mubwikashi bwabo.

IFYO ICI ICITABO CIFWILE UKUBOMFIWA PAKUFUNDA

Muli ici citabo muli amasambillo ya Litalica mu Cibemba ayafwile ukufundwa mu temu 1. Aya masambililo yalyakanishiwa mumitwe elyo cila mutwe uli nefya kusambilila pamo nga: Intendekelo ya Cisambililo ca Litalica, Imisango ya Litalica lyalekana-lekana, Imilimo Litalica Ibomba, elyo na Ukusambilila pali Litalica lyakulandafye. Ifyakusambilila ifyabiikwa muli ici citabo tafyapekanishiwa nga amasambililo yakufunda, leelo kuti fyabomfiwa mukupekanya amasambillo yakufunda cila bushiku ukupitila mukubuulamo ifyakufunda ukufuma muli cila mutwe pakupanga isambililo limo. Icilangililo, isambililofye limo kuti lyakwata ifikomo ifingi ifyakufunda muli iyi mitwe: Intendekelo ya Cisambililo ca Litalica, Imisango ya Litalica lyalekana-lekana, Imilimo Litalica Ibomba, elyo na Ukusambilila pali Litalica lyakulandafye. Kanshi ilyo mulepekanya isambililo, mufwile ukusala ifikomo fyakufunda ifyo mulefwaya ukulolekeshapo pamo na imilimo nangula ifyakucita ifyo abasambi bafwile ukubomba pali cila mutwe ukulingana necilekabilwa ukwishiba. Eico kanshi isambililo limo kuti lyakwata ifilekabilwa ukwishiba ifingi ukucila pali cimofye.

INSHILA YAMIFUNDILE IYABIIKWAMO

Lyonse ilyo mulefunda, mulingile ukubomfya nokukonka inshila shakufundilamo abasambi ishalekana-lekana. Kanshi kuti mwabomfya inshila shimo pali ishi:

- Ukupanga utusela (Role-play)
- Ukubomba imilimo yalekana-lekana ukupitila mukwangala utusela (play activities/ drama)
- Ukufwailisha ifishinka pamilandu iyalekana-lekana (Research)
- Ukusambilila ukupitila mukulanshanya (discussions)
- Ukusambilila ukupitila mukufwaya nokusanga ifishinka pamilandu iyalekana-lekana (discovery)
- Ukulemba utumalyashi utwiipi (short stories)
- Ukubomfya kompyuta mukupanga amalyashi, utusela nama amalango

Ukulundapo, kuli notumisango utunsela-nsela natumbi utwamifundile uto kafundisha alingile ukubomfwa pakuti akwanishe ukufunda abasambi abalekana-lekana abasangwa mu kalasi intu afundamo. Bakafundisha baalishiba utu tunsela-nsela utwingi ukulingana nefyo baakanshiwa mumasambililo yabo Kuma College.

IFILEKABILWA UKWISHIBA

SN	IFYAKWISHIBA	UBULONDOLOSHI
1	Ukwishiba ukusobolola nokwilula ifintu (Analytical Thinking)	• Ukusobolola na ukwilula ilyashi • Ukumfwa na ukwilula ifikope • Ukukonkelesha mufiunda • Ukwishiba ukuti ifilembo fiiminako ifiunda
2	Ukuba umwikala caalo (Citizenship)	• Ukwishiba na ukukonka amafunde
3	Ukulanshanya (Communication)	• Ukubomfya amashiwi ayayana mu nshila ishalekana-lekana • Ukwishiba ukumfwa, ukulanda. Ukubelenga na ukulemba • Ukwilula amashiwi ukubomfya ifishibilo • Ukwishiba ukulanda mu nshila iyampomfu • Ukupeela inshita kuli bambi ilyo mulelanshanya • Ukukwata ubwishibilo pa filembelwe • Ukumfwa kulyashi ilipeelwe
4	Ukutontonkanya mukushika (Critical Thinking)	• Ukukwata ubwishibilo pa fipe ifyalekana-lekana • Ukwishiba na ukulumbula amashina ya fintu ifili mu ncende shabo • Ukwishiba ubwampano bwaba pa filembo na ifiunda
5	Ukwishiba ukubomfya kompyuta (Digital Literacy)	• Ukwishiba ukwapanya amaenso na iminwe ukubomfya ifipe fyansala
6	Ukuibaka mu maano (Emotional Intelligence)	• Ukwishiba ukuibaka nokusunga umutende
7	Ukubombela capamo (Collaboration)	• Ukubombela capamo nabambi mukufikilisha imilimo

UMUTWE 1: LITILICA YA KULANDAFYE

Ubulondoloshi:

Muli uyu mutwe, abasambi balaishiba na ukulanga imilimo amabumba ya misango ya Litalica yakulandafye ibomba. Balatantika imilimo nangula imibombele ya amabumba ya misango ya Litalica yakulandafye. Balondolola imilimo ya amabumba ya misango ya Litalica yakulandafye na kabili balaalanga nangula ukusuminisha imilimo ya amabumba ya misango ya Litalica yakulandafye. Mukulanga bafwile bapeela ifilangililo ifyapala amapinda, utunyonga ndimi, inyimbo, utushimi elyo nafimbipo. Bafwile balondolola na imilimo fibomba ku muntunse.

Umutwe Unoono 1: Imilimo ya misango ya Litalica ya kulandafye

Ubulondoloshi:

Muli uyu mutwe, abasambi balasambilila pa milimo amabumba ya misango ya Litalica yakulandafye ibomba, nakabili ba latantika imilimo nangu imibombele ya mabumba ya misango ya Litalica yakulandafye. Balondolola na ukulanga imilimo ya mabumba ya misango ya Litalica yakulandafye. Bafwile balanga na ukusuminisha imilimo ya mabumba ya misango ya Litalica yakulandafye. Teyapopeka, Litalica ya kulandafye ni umo umusangwa amalyashi ayasabankanishiwafye ukufuma pa nkulo imo ukuya na pa ibiye ukubomfyafye akanwa. Mwaba amalyashi ayalekana-lekana ayo ayasungwafye na bakalamba.

Ifilekabilwa ukwishiba:

Abasambi balekabilwa ukwishiba imilimo ya mabumba ya misango ya Litalica yakulandafye.



Ifikomo fyakufunda:

- Ukutantika imilimo ya misango ya Litalica yakulandafye
- Ukutantika imilimo ya mabumba ya misango ya Litalica yakulandafye
- Ukulondolola imilimo ya misango ya Litalica yakulandafye
- Ukulondolola imilimo ya mabumba ya misango ya Litalica yakulandafye
- Ukulanga imilimo ya misango ya Litalica yakulandafye
- Ukulanga imilimo ya mabumba ya misango ya Litalica yakulandafye

Icishibisho kuli Kafundisha:

Kafundisha amone ukutula abasambi baishiba bwino-bwino imilimo ya misango ya Litalica yakulandafye elyo na imilimo ya mabumba ya misango ya Litalica ya kulandafye.

Ifya kubomfya pa kufunda:

Ing'oma, ifitabo, ubunkolanya, ifitenge, bapintu, ifiseke-seke, abakalamba.

Ifyakucita 1:

Abasambi bafwile ukutantika imilimo ya misango ya Litalica yakulandafye.

i. Kafundisha:

- Eba abasambi ukutantika imilimo ya misango ya Litalica yakulandafye
- Amasuko kuti yaba nga aya elyo nayambi ayapalileko:

Ifilangililo:

a. Amapinda:

- ✓ Ukufunda abantu
- ✓ Ukusoka abantu (ukwali nsoke takwafwile bantu)
- ✓ Ukukoselesha abantu
- ✓ Ukwibukisha abantu ifyo bafwile ukwikala na ukucita
- ✓ Ukupandako abantu amano
- ✓ Ukulanga abantu inshila isuma iya bwikashi bwabo
- ✓ Ukutungilila abantu
- ✓ Ukwafwa abantu pakuti bakula abakatiina
- ✓ Ukutemuna abantu
- ✓ Ukuwikishanya abantu

b. Amalango:

- ✓ Iba nintendekelo isuma kubaana abengabomba incito shamangalo nangula incito ishakusansamusha na ukusekesha abantu mukupanga ifiseela, ukwimba, ukufunda, ukwenda na ukulangisha imifwalile isuma
- ✓ Ukusansamusha abo balelumbanya elyo nabantu abaleumfwako pamo nabaletamba.

Icilangililo: Ngabalelumbanya imfumu nangula umuntu umo uwacita ifintu ifisuma kabili aliya na ululumbi.

- ✓ Ukutatakula
- ✓ Ukusalapula imitontonkanishishe yabana

- ✓ Ukwimuna ubulanda

c. Inyimbo:

- ✓ Ukusansamusha abantu
- ✓ Ukukoselesha abantu
- ✓ Ukusoka abantu pafintu fimo ifilecitika nangula ifili mukucitika
- ✓ Ukufunda
- ✓ Ukucinkula abantu
- ✓ Ukupela bakemba ubukumu

d. Utucoleko:

- ✓ Ukwafwa abaana ukutontonkanya mukushika
Icilangililo: Ilyo baeba umwana ukufwaya ubwasuko kutucoleko tupeelwe pakuti umwana asange ubwasuko ubwalondoloka alingile ukutontonkanya mukushika nga ifi: Coo!
 Cise!
 Ukonaya nipalicitatu ubwasuko: mafwesa.

 Coo!
 Cise!
 Bampundu balingana: ubwasuko makufi
- ✓ Ukusalapula nangu ukukampula abaana
- ✓ Ukusansamusha abantu

e. Inshimi:

- ✓ Ukusansamusha
- ✓ Ukufunda abaana
- ✓ Ukwishiba ifyalecitika kale
- ✓ Ukulangisha ifyo abantu balecimfya amafya ayo balekumanya
- ✓ Ukwafwa abasambi ukutontonkanya mukushika
- ✓ Ukusunga intambi
- ✓ Ukwishiba ifyakuisunga

f. Utunyongandimi:

- ✓ Ukwangusha ululimi
- ✓ Ukutontonkanya bwangu
- ✓ Ukusalapula abaana
- ✓ Ukwishiba ifyakucimfya amafya

✓ Ukusansamusha abantu

g. Myths (Amalyashi ayalanda pantambi abantu basuminamo ayalondolola pafintu, imikalile, imicile yafintu, nangula pafyo icaalo catendeke):

- ✓ Ukwishiba intuntuko ya fintu fimo elyo na ifyo abantu bafwile ukuisunga
- ✓ Ukutinya abantu
- ✓ Ukulondolola ifintu fimo ifyo abantu bashakwata ubwishibilo bwino- bwino

h. Legends (Amalyashi ayalanda pabantu abacindama nangula incende shimo ishalumbuka):

- ✓ Imbeela iisuma iya buntunse
- ✓ Ukusalapuka
- ✓ Ukukwata imisuula na ukuicefya
- ✓ Umuntu ukuba umutekatima
- ✓ Umuntu ukuba uwashipa
- ✓ Ifyakuicingilila kumafya yapa caalo

ii. Abasambi:

- Bapeele imilimo ya misango ya Litalica yakulandafye

Imibombele ileenekelwa:

Imilimo ya misango yalitalica yakulandafye yatantikwa umupwilapo

 Ifyakucita 2:

Abasambi bafwile ukutantika imilimo ya mbumba ya misango ya Litalica yakulandafye.

i. Kafundisha:

- Eba abasambi ukutantika imilimo ya misango ya Litalica yakulandafye
- Amasuko kuti yaba nga aya elyo nayambi ayapalileko:

Ifilangililo:

a. Amapinda:

1. Insoselo:

Icilangililo:

- ✓ Kabwe ni *Namwelepete isembe lya mukuba*. Icilepilibula ukuti Kabwe *munang' ani*.

2. Inshintu:

Icilangililo:

- ✓ *Witusamba buntu. Icalola mukutula witucita ifipuba ifyo waba icipumbu.*

Imilimo ya misango ya mabumba ya mapinda niyi:

- ✓ Ukufunda abantu
- ✓ Ukusoka abantu (ukwali nsoke takwafwile bantu)
- ✓ Ukukoselesha abantu
- ✓ Ukwibukisha abantu ifyo bafwile ukwikala na ukucita
- ✓ Ukupandako abantu amano
- ✓ Ukulanga abantu inshila isuma iya bwikashi bwabo
- ✓ Ukutungilila abantu
- ✓ Ukwafwa abantu pakuti bakula abakatiina
- ✓ Ukutemuna abantu
- ✓ Ukuwikishanya abantu
- ✓ Ukuwikishanya

b. Amalango:

1. Imishikakulo:

Icilangililo: Umushikakulo wa mfula

Soloke-soloke wekundu langa
ifyo wapala nga akaice
Shimwisusha milonga
Imisombo ya kucuulu yali kwansha
Shimukunta pa Itabwa
Nga wakunta pa kabwile
Ninshi umwaka waya

2. Amalumbo:

Icilangililo: Ilumbo lya bwali

Ulungococo, akalusesa, intunkanika minwe
Ulwacushi njipi
Ulushikana uuleseka kano uufuililwe
Kalekanya mikowa

Imilimo ya misango ya mabumba ya malumbo niyi:

- ✓ Iba nintendekelo isuma kubaana abengabomba incito shamangalo nangula incito ishakusansamusha na ukusekesha abantu mukupanga ifiseela, ukwimba, ukufunda, ukwenda na ukulangisha imifwalile isuma
- ✓ Ukusansamusha abo balelumbanya elyo nabantu abaleumfwako pamo nabaletamba.
Icilangililo: Ngabalelumbanya imfumu nangula umuntu umo uwacita ifintu ifisuma kabili aliya na ululumbi.
- ✓ Ukutatakula
- ✓ Ukusalapula imitontonkanishishe yabana
- ✓ Ukwimuna ubulanda

c. Inyimbo:

1. Ishakulumbanya Lesa,
2. Ishapafililo
3. Ishamenga

Icilangililo:

Sekeseke twa kupandila, ni we mwine ukayonene
Sekeseke twa kupandila, ni we mwine ukayonene

4. Ishacitemwiko
5. Ishafikansa fya caalo
6. Ishamufisungu
7. Imipukumo

Imilimo ya misango ya mabumba ya nyimbo niyi:

- ✓ Ukusansamusha abantu
- ✓ Ukukoselesha abantu
- ✓ Ukusoka abantu pafintu fimo ifilecitika nangula ifili mukucitika
- ✓ Ukufunda
- ✓ Ukucinkula abantu
- ✓ Ukupela bakemba ubukumu

d. Utucoleko:

- ✓ Ukwafwa abaana ukutontonkanya mukushika.

Icilangililo: Ilyo baeba umwana ukufwaya ubwasuko kutucole tupeelwe pakuti umwana asange ubwasuko ubwalondoloka alingile ukutontonkanya mukushika nga ifi:

Coo!

Cise!

Ukonaya nipalicitatu ubwasuko: mafwesa.

Coo!

Cise!

Bampundu balingana: ubwasuko makufi.

- ✓ Ukusalapula nangu ukukampula abaana
- ✓ Ukusansamusha abantu

e. Inshimi:

1. Imilumbe:

Icilangililo:

Abantu baalimine ukuya mu kulebela. Ilyo baleeya mu nshila, balipeeye inama. Balya bashakofye umutwe, basha bausamika na pa cimuti ninshi uleetona umulopa. Uko baile, mukulebela bailepwako inshiku ishing. Ilyo ba bwelele baishile sanga ulya mutwe wanama basaamike pa cimuti ucili uubishi uletonya na umulopa.

Ubupilibulo bwa mulumbe: Umulandu taubola

Imilimo ya misango ya mabumba ya nshimi niyi:

- ✓ Ukusansamusha
- ✓ Ukufunda abaana
- ✓ Ukwishiba ifyalecitika kale
- ✓ Ukulangisha ifyo abantu balecimfya amafya ayo balekumanya
- ✓ Ukwafwa abasambi ukutontonkanya mukushika
- ✓ Ukusunga intambi
- ✓ Ukwishiba ifyakuisunga

f. Utunyongandimi:

- ✓ Ukwangusha ululimi
- ✓ Ukutontonkanya bwangu
- ✓ Ukusalapula abaana
- ✓ Ukwishiba ifyakucimfya amafya
- ✓ Ukusansamusha abantu

g. Myths (Amalyashi ayalanda pantambi abantu basuminamo ayalondolola pafintu, imikalile, imicitile yafintu, nangula pafyo icaalo catendeke):

- ✓ Ukwishiba intuntuko ya fintu fimo elyo na ifyo abantu bafwile ukuisunga
- ✓ Ukutinya abantu
- ✓ Ukulondolola ifintu fimo ifyo abantu bashakwata ubwishibilo bwino- bwino

h. Legends (Amalyashi ayalanda pabantu abacindama nangula incende shimo ishalumbuka):

- ✓ Imbeela iisuma iya bantunse
- ✓ Ukusalapuka
- ✓ Ukukwata imisuula na ukuicefya
- ✓ Umuntu ukuba na umutekatima
- ✓ Umuntu ukuba uwashipa
- ✓ Ifyakuicingilila kumafya yapa caalo

ii. Abasambi:

- Bapeele imilimo ya mabumba ya misango yalitilica yakulandafye

Imibombele ileenekelwa:

Imilimo ya mabumba ya misango yalitilica yakulandafye yatantikwa bwino-bwino

 Ifyakucita 3:

Abasambi balondolole imilimo ya misango ya Litalica yakulandafye

i. Kafundisha:

- Abasambi balondolole imilimo ya misango ya Litalica yakulandafye

Ifilangililo:

- Imilimo yamabumba yamisango ya Litalica naipelwa lelo abasambi baleenekelwa ukulondolola iyi milimo elyo na ukupeela ifilangililo.
- Ngabatila ilasansamusha abantu-Uyu mulimo wakusansamusha ulasangwa mumabumba ayengi aya milimo ya Litalica yakulandafye. Kuti twabuula icilangililo ca nyimbo.

Inyimbo shimo isho abantu beemba shilabasansamusha ilingi ngabaleimba balatampa ukucinda na ukwaula utupundu.

Ulwimbo lwakuti: Nasekela- seke natemwa nasekela-seke natemwa.

Ululwimbo balwimba nga baleufya umwana nangula umwana ngawa icisungu.

Ulwimbo lumbi lwakutula: Mwanawandi nakula; eya senimumone yanga-yanga mwanawandi nakulaeya senimumone yanga-yanga.

Ishi shonse inyimbo shilasansamusha abantu nenshita bashimbilapo iba ninshita ya nsansa.

✓ Umulimo umbi wokusoka abantu.

Uyu mulimo ukankaala nganshi pantu ilingi line abantu

babomfya

amapinda nga balesoka abantu banabo ukuti bengaleka imisango yabo iibi nangu ukutaluka abantu babi.

Amapinda nangu insoselo babomfya pakusoka abantu:

- *Akabwelelo kalalya*. Iyi ni nsoselo imo iyo babomfya nga balesoka abantu ukutula ta calinga ukubwelela uko wafumine, ilingi umuntu nga tekala bwino mucupo, balabomfya iyi ine nsoselo pakusokako umukashana pakuti eka bwelelako ku cupo
- *Icifulo cimo, cipwe mpeta*. Ili lipinda ilipulibula ukutula apo wikele nga wamona ifintu tafili bwino ku fumapo

- *Ukulu undapa umulwele, eko akunyantako.* Ili pinda lipilibula ukutla ulya wine umuntu wayafwa ewisa mukwaluka akucita na ububi
- *Cikwi, tapalamana na mulilo.* Lilesoka abaana kukula ukuti tabalinga ukuba pamo abalumendo na bakashana inshita iitali pantu ififumamo mafumo nangu amalweele
- *Kalulu tapusuka mipya ibili.* Ukumona ukuti walicenjela inshita yonse, leelo bushiku bumo, bakakwikata

Yengi amapinda nangu insoselo ifipela umulimo wa kusoka abantu pakuti ifibi tafileebacitikila.

- ✓ Kabili kwaliba inyimbo shimo, amapinda, amalango, utunyonga-ndimi na utucole ifilandafye pa kufunda abantu ifyo bafwile baikala
na bantu banabo mu caalo na mumishi. Kuti twapeela ifilangililo pamo ifi:

- *Abantu babili na maano yabili*
- *Amano uli weeka, tayashinguluke koshi*
- *Abenda ebaleeta amakasa ya nkalamo*
- *Akabupe takacepa*

- ✓ Amapinda na insoselo yalapeela ifunde ku bantu ifyo bafwile baikala na bantu banabo. Kuti bayafwana, kuti bapeleshanya uto bakwete elyo na ukucinkulana umo bekalile. Nga ninyimbo sha kufunda nshingi nganshi, kuti baimba ukulingana ne milimo balebomba. Ulwimbo lumu ulwefunde lwakutla:

- *Sekeseke twa kupandila, ni we mwine ukayonene*
Sekeseke twa kupandila, ni we mwine ukayonene

- ✓ Umulimo umbi uwa mabumba ya litalica ya kulandafye, wa tucole. Utucole tulafwa abana ukutontonkaya mu kushika.

Icilangililo:

- *Coo!*

Cise!

Abana nga tabakumene tabonka

Ubwasuko: *Mafwesa.*

- *Coo!*

Cise!

Napyanga palubansa abeni bafika.

Ubwasuko: *Ni mfula.*

Ifilangililo fyapeelwa, fileenekelwa umwana ukutontonkanya mu kushika pakuti engasuka ukulingana na ifyo cilekabilwa.

- ✓ **Myths (Amalyashi ayalanda pantambi abantu basuminamo ayalondolola pafintu, imikalile, imicitile yafintu, nangula pafyo icaalo catendeke):**

Mwaliba imilimo ya misango ya Litalica yakulandafye. Umulimo umo kulondolola ifintu fimo ifyo abantu bashakwata ubwishibilo bwino-bwino. Icilangililo cakutla: namaayo ngali pabukulu talinga

kulya amani pantu kuti aisa akwata umwana uwabula umushishi.

Ifyo fine banamaayo ngabali pabukulu balefilwa ukulya amani elyo

ninshi tecishinka iyo. Icishinka cakutla namaayo ngali pabukulu alekasha kanshi inkoko ngashabikila amani alelya ecalengele baletoko ilyo lyashi pakutla bengacingilako amani pakuti inkoko tashilobebe.

ii. Abasambi:

- Balondolole imilimo ya misango ya Litalica yakulandafye

Imibombele ileenekelwa:

Imilimo ya misango ya Litalica yakulandafye ilondolowe umupwilapo

Ifyakucita 4:

Abasambi balondolole imilimo ya mabumba ya misango ya litalica yakulandafye

i. Kafundisha:

- Eba abasambi balondolole imilimo ya mabumba ya misango ya Litalica yakulandafye
- Amasuko kuti yaba nga aya elyo nayambi ayapalileko:

Ifilangililo:

1. Insoselo:

Musango wakulandilamo uwashoka uukwete ubwasuko

Nga ifi:

Kabwe ni *Namwelepete isembe lya mukuba*. Icilepilibula ukuti Kabwe *munang' ani*.

2. Inshintu:

Kusosa mukushintuka.

Nga ifi:

Witusamba buntu. Icalola mukutla watucita *ifipuba ifyo waba icipuuba*.

Imilimo ya misango ya mabumba ya mapinda niyi:

- ✓ Ukufunda abantu
- ✓ Ukusoka abantu (ukwali nsoke takwafwile bantu)
- ✓ Ukukoselesha abantu
- ✓ Ukwibukisha abantu ifyo bafwile ukwikala na Ukucita
- ✓ Ukupandako abantu amano
- ✓ Ukulanga abantu inshila isuma iya bwikashi bwabo
- ✓ Ukutungilila abantu
- ✓ Ukwafwa abantu pakuti bakula abakatiina
- ✓ Ukutemuna abantu
- ✓ Ukuwikishanya abantu

3. Imishikakulo:

Mashiwi ayalandwa mumusango wa kwanga ayaolele kuntulo ya muntu atemwa umukowa na ifyo acita mubwikashi.

Icilangililo: Umushikakulo wa mfula

Soloke-soloke wekundu langa
Ifyo wapala nga akaice
Shimwisusha milonga
Imisombo ya kuculu yali kwansha
Shimukunta pa Itabwa
Nga wakunta pa Kabwile
Ninshi umwaka waya

4. Amalumbo:

Kulanda kwa kulumbanya ifyo umuntu aba, ifyo acita atemwa ubupe bwatula kufilengwa na Lesa.

Icilangililo: Ilumbo lya bwali

Ulungococo, akalusese, intunkanika minwe
Ulwacushi njipi
Ulushikana uuleseka kano ufulilwe
Kalekanya mikowa

Imilimo ya misango ya mabumba ya malumbo niyi:

- ✓ Iba nintendekelo isuma kubaana abengabomba incito shamangalo nangula incito ishakusansamusha na ukusekesha abantu mukupanga ifiseela, ukwimba, ukufunda, ukwenda na ukulangisha imifwalile isuma
- ✓ Ukusansamusha abo balelumbanya elyo nabantu abaleumfwako pamo nabaletamba

Icilangililo:

- Ngabalelumbanya imfumu nangula umuntu umo uwacita ifintu ifisuma kabili aliya na ululumbi
- Ukutatakula
- Ukusalapula imitontonkanishishe yabana
- Ukwimuna ubulanda

5. Imilumbe:

Ulushimi ululekabila ubwasuko

Icilangililo:

Abantu baalimine ukuya mu kulebela. Ilyo baleeya mu nshila, balipeeye inama. Balya bashakofye umutwe, basha bausamika na pa cimuti ninshi uleetona umulopa. Uko baile, mukulebela bailepwako inshiku ishing. Ilyo ba bwelele baishile sanga ulya mutwe wanama basaamike pa cimuti ucili uubishi uletonya na umulopa.

Ubupilibulo bwa mulumbe: Umulandu taubola
Imilimo ya misango ya mabumba ya nshimi niyi:

- ✓ Ukusansamusha
- ✓ Ukufunda abana
- ✓ Ukwishiba ifyalecitika kale
- ✓ Ukulangisha ifyo abantu balecimfya amafya ayo balekumanya
- ✓ Ukwafwa abasambi ukutontonkanya mukushika
- ✓ Ukusunga intambi
- ✓ Ukwishiba ifyakuisunga

ii. Abasambi:

- Balondolole imilimo ya mabumba ya misango ya litalica yakulandafye

Imibombele ileenekelwa:

Imilimo ya mabumba ya misango ya Litalica yakulandafye ilondololwe bwino-bwino

Ifyakucita 5:

Abasambi balange imilimo ya misango ya Litalica yakulandafye

i. Kafundisha:

- Eba abasambi ukulanga imilimo ya misango ya Litalica

yakulandafye

Icilangililo:

Imisango ya Lilitica ya kulandafye ibomba imilimo iingi kubaleumfwa amapinda, amalango, inyimbo, utushimi, utucoleko elyo nafimbipo. Iyi misango yabelako ukukoselesha abantu. Umuntu uulecula alatolapo fimo ifyakumwafwako mpaka asuka afuma mumafya. Elyo Kabili filafwilishako abaana ukusalapuka na ukuba abakampuka mumilimo na mufyo balecita. Filapela isambililo kubantu. Abantu balasambilila na ukwishiba ifingi ukupitila mu misango yalilitica yakulandafye. Ni nshila yakusungilamo intambi.

ii. Abasambi:

- Balange imilimo ya misango ya Lilitica yakulandafye

Imibombele ileenekelwa:

Imilimo ya misango ya Lilitica yakulandafye ilangwe umupwilapo

 Ifyakucita 6:

Abasambi balange imilimo ya mabumba ya misango ya Lilitica yakulandafye

i. Kafundisha:

- Eba abasambi ukulanga imilimo ya mabumba ya misango ya Lilitica yakulandafye

Ifilangililo:

Insoselo, inshintu, imishikakulo, amalumbo na imilumbe mabumba ya lilitica yakulandafye ayabomba imilimo iyalekana-lekana apali, ukukoselesha abantu, ukusambilisha, ukucenjisha, ukutemuna, ukuwikishanya na ukusansamusha. Elyo Kabili filafwilishako

ukusungilamo intambi.

ii. Abasambi:

- Balange imilimo ya mabumba ya misango ya Litalica yakulandafye

Imibombele ileenekelwa:

Imilimo ya mabumba ya misango ya Litalica yakulandafye ilangwe bwino-bwino



Ukusupawila:

Abasambi baishiba imilimo yamabumba yamisango ya Litalica yakulandafye ibomba, balondolola na ukulanga ifyo iyi milimo ibomba Kabili baishiba amabumba yamo ayakwata amafunde ayo ayasuntinkana na ubwikashi bwabo. Elyo Kabili baishiba ukuti intambi shimo ishikonkwa muncende bekalamo shatuntuka kumabumba ayapeelwe pamulu.



Ukwesha Abasambi:

1. Tantika imilimo ya misango ya Litalica yakulandafye mutanda.
2. Tantika imilimo ya mabumba ya misango ya Litalica yakulandafye.
3. Londolola imilimo ya imisango ya Litalica yakulandafye ibili.
4. Londolola imilimo ya mabumba ya misango ya Litalica yakulandafye.
5. Langa imilimo ya misango ya Litalica yakulandafye itatu.
6. Langa imilimo ya mabumba ya misango ya Litalica yakulandafye ibili
7. londolola ifyo icisambililo ca Litalica yakulandafye cingafwa umusambi ukukwata incito.

Umutwe Unoono 2: Ukulondolola imisango ya Litalica yakulandafye

Ubulondoloshi:

Muli uyu mutwe abasambi balalondolola imisango ya Litalica yakulandafye iyalekana-lekana. Abasambi balekabilwa ukwishiba imisango ya Litalica yakulandafye iyalekana-lekana apo apali; amapinda, insoselo, amalango, inshimi, inshintu, ificoleko, utunyonga ndimi, imishikakulo,

inyimbo nafimbipo. Abasambi kabili balekabilwa ukulondolola umo cila musango wa Litalica yakulandafye walola elyo na ifyo cila musango baubomfya mu mikalile ya bantu pali ndakai.

Ifilekabilwa ukwishiba:

Abasambi balekabilwa ukulondolola cila musango wa Litalica yakulandafye.



Ifikomo fyakufunda:

- Ukwishiba imisango ya Litalica yakulandafye iyalekana-lekana

Icishibisho kuli Kafundisha:

Kafundisha umone ukuti abasambi baishiba imisango ya Litalica yakulandafye

Ifyakubomfya pakufunda:

Ifitabo, abantu abakalamba abaishiba intambi sha cibemba, ubunkolanya bwapa fitunshitunshi, amapepala ya ilyaashi.



Ifyakucita 1:

Abasambi bafwile ukulumbula imisango ya Litalica yakulandafye.

i. Kafundisha:

- Eba abasambi ukulumbula imisango ya Litalica yakulandafye.

Ifilangililo fya Misango ya Litalica yakulandafye:

- i. Amapinda
- ii. Insoselo
- iii. Inshintu
- iv. Amalango
- v. Imishikakulo
- vi. Inshimi

- vii. Imilumbe
- viii. Ificoleko
- ix. Utunyongandimi
- x. Inyimbo
- xi. Myths (Ifyasuminwamo leelo ifishili fyacishinka)
- xii. Ifyangalo

ii. Abasambi:

- Balumbule imisango ya Litalica yakulandafye

Imibombele ileenekelwa:

Imisango ya Litalica yakulandafye yalumbulwa bwino-bwino

 Ifyakucita 2:

Abasambi balondolole imisango Litalica yakulandafye iyo baishiba

i. Kafundisha:

- Eba abasambi balondolole imisango Litalica yakulandafye iyo baishiba
- Amasuko kuti yaba nga aya elyo nayambi ayapalileko

Ifilangililo:

i. Amapinda:

Musango wakusoselamo uwakushoka pakuti umuntu ulelanda nankwe abikeko amaano pakumfwa na ukwishiba ifilelandwapo.

Ngefi: *Mukula mbulu, ayange na maaka.*

Emukuti: we muntu nga watendeka ukucita icintu ufwile waposako amaano pakuti ukwate ico ulefwaya.

ii. Inshintu:

Kulanda ukushapwililika nangu ukwakushintuka,
ukubomfya amashiwi ayapusene kufyo mulesosapo leelo
yakumine ilyaashi mulesosapo.

Ngefi: *Ukwilikanya amakasa* – ukufyuka. Ba Mutale
bailikanya amakasa. Emukuti ba Mutale bafyuka tatwishibe
na uko balola.

iii. **Amalango:**

Kusosa kwa maano ukubomfya amashiwi ayakosa elyo na
ayanaka pakwesha ukutatakula atemwa pakusosa pa cintu
icili nga ubwafya nangu ukusekelela. Amalango yasoswa
nga umushikakulo.

Nga ifi: CILOLO

Cilolo wa buteeko we cilolo,

Wewasalwa ukwiminako banakulu Mwansa,

Banakulu-Mwansa ababusu,

Wasomfya umoona kutunyampuku,

Watundika ifumo mubufumfuntungu,

Watosha imilimo muli bukaitemwe,

Cilolo wa buteeko we cilolo,

We mfunda-buteshi we!

Inshita yakusala waisa na bucengabupele,

Cilolo wa buteeko we cilolo,

Leka ishuko lyobe lisansamushe kabumba,

Uwaliko, uwabako, uukabako umushinsa nshiku,

iv. **Imishikakulo:**

Malumbo balumba icintu atemwa umuntu ukulolesha pa
misango yakwe iisuma atemwa iibi. Musango

wakucebushishamo atemwa ukucenjeshamo umuntu
pakuti engaleka atemwa engakonkanyapo imisango yakwe.

Nga ifi:

Umushikakulo wa mfula
Katiti wa kumbo, shilwisusha milonga
Imisombo yakwa Lesa aikwansha
Cibulukutu walikupapwa mu Ng'ombe;
Cifula mulilwa na bwangu bwakumutendwa
We wakwilonga lya mpukutu kwa kasenga
Mupeta shiloshi, leta ameenshi uleke tulye ubowa.

v. **Inshimi:**

Lyashi ilishimikwa makamaka mu nshita ya cungulo ilyo
abantu baletusha pa cibwanse atemwa pa nsaka. Mu nshimi
abantu bafwayamo ukufundamo abaleteshako ifintu
ifikankala mu bumi bwabo. Ilyaashi lya munshimi ilingiline
liba lyapa bumi bwa bantu nemikalile yabo.

vi. **Imilumbe:**

Ninshimi ishipi isho ishilefwaikwa ubwasuko pa mpela.
Imilumbe ilembwa mu musango wakuti uuleteshako afwile
atontonkanishisha pakuti asange ubwasuko.

Nga ifi:

Mumushi umo mwaikele abaice, mumushi umbi mwaikele
abakalamba. Icalecitika cakuti mu mushi wabakalamba nga
mwaponeka ubusanso, abaice bonse baleima ukuya
mukwafwilisha abakalamba. Nomba mu mushi wa baice
nga mwaponeka ubusanso, takwali umukalamba nelyo umo
uwaleya mukwafwilishako abaice.

Bushe uyu mulumbe walola mwi?

Ubwasuko: Umulumbe walola mukuti abaice minwe elyo abakalamba fikondo. Ilyo ifikondo fyakwata ubwafya, iminwe ilekatako, leelo ilyo iminwe yakwata ubwafya ifikondo tafikatako.

vii. **Ificoleko:**

Kwipushanya mukwangufyanya pakuti mumone uwacenjela kabili uwamaano pakati ka ibumba lya bantu.

Nga ifi:

Uuleipusha: Co!

Ababiye: Cise!

Uuleipusha: Napyanga pa lubansa paisa amacilikiti

Ababiye: Nimfula.

Uuleipusha: Co!

Ababiye: Cise!

Uuleipusha: Ing'anda ya lupanda lumu

Ababiye: Bowa

viii. **Utunyonga-dimi:**

Kulanda amashiwi ayapalene ifiunda mukwangufyanya pakumona uwalatena bwangu.

Nga ifi:

Cilemba mukulu mutongama paluputa

Cilemba mukulu mutongama paluputa

ix. **Inyimbo:**

Uyumusango wakusoselamo mukwimba. Inyimbo shaba ishalekanalekana, kwaba imipukumo, icimbo ca malilo, isha cisungu, isha ng'omba, ishapa mitekele ya calo, nashimbipo.

- x. **Myths (Amalyashi ayalanda pantambi abantu basuminamo ayalondolola pafintu, imikalile, imicitile yafintu, nangula pafyo icaalo catendeke):**

Ifi fishilano fimo-fimo ifyo ibumba lya bantu nangu ulukuta lwa bantu lwasuminamo leelo tafili fyacishinka.

Nga ifi:

Namaayo ali pabulu tafwile kulya Amani pantu umwana kuti afyalwa ukwabula umushishi.

- xi. **Ifyangalo:**

Kuti fyaba tusela uto ulukuta lwabantu lubomfya mukufundilako abantu, mukukansha imbili yabantu pamo nga inkampa na kaseko.

ii. Abasambi:

- Abasambi balondolole imisango ya Lilitica yakulandafye

Imibombele ileenekelwa:

Imisango ya Lilitica yakulandafye iyalekana-lekana yalondololwa ukufikapo.

 Ifyakucita 3:

Abasambi babomfye cila musango wa Lilitica yakulandafye mu bwikashi bwabo

i. Kafundisha:

- Eba abasambi ukubomfya cila musango wa lilitica ya kulandafye

Icilangililo:

Kafundisha kuti aeba abasambi ukupanga akasela umo umwana wanshiwa balemucusha kuli banalume na banasenge.

Akasela: ukusunga abana buluku-buluku

Icikope cakubalilapo (Chanda umwana wanshiwa ekala na banalume elyo na banasenge).

ii. Abasambi:

- Babomfye akasela mukulanga ifyo imisango ya Lilitica ya kulandafye inga bomfiwa mu bwikashi bwabo

Imibombele ileenekelwa:

Imisango ya Lilitica ya kulandafye ya bomfiwa bwino-bwino mu bwikashi bwa muntu.



Ukusupawila:

Abasambi basambilila pa misango ya Lilitica yakulandafye iyapusana-pusana.



Ukwesha abasambi:

1. Lumbula umusango wa Lilitica yakulandafye umwingasangwa ifi batantike pesaamba:
 - ‘Umwana ashenda atasha nyina ukunaya’
 - ‘Coo! Ing’anda ya mumbulumina’
 - ‘Niwe katiti wa kumbo, shilwisusha milonga, imisombo yatata aikwansha’
 - ‘Cilemba mukulu mutongama paluputa, cilemba mukulu mutongama paluputa’
2. Pageni akasela ukulanga ifyo Lilitica yakulandafye ibomfiwa mu bumi bwesu.

UMUTWE 2: LITILICA IYALEMBA

Ubulondoloshi:

Muli uyu mutwe, abasambi balasambilila pa Litalica yalembwa. Abasambi balaishiba ubupilibulo bwa Litalica yalembwa. Balaishiba imbeela ya Litalica yalembwa elyo na ukuilondolola umo yalola.

Umutwe Unoono 1: Imisango ya Litalica yalembwa (Ifitabo fya ilyashi, amalango na utusela)

Ubulondoloshi:

Muli uyu mutwe, abasambi balasambilila pali Litalica iyalembwa na ukulondolola imisango ya iko apali ifitabo fya ilyashi, amalango na utusela.

Ifilekabilwa Ukwishiba:

Abasambi balekabilwa ukwishiba imisango ya Litalica yalembwa



Ifikomo fyakufunda:

- Ukwishiba imisango ya Litalica yalembwa
- Ukuilondolola ubupilibulo bwa imisango ya Litalica yalembwa.

Icishibisho kuli Kafundisha:

Kafundisha amone ukuti abasambi baishiba ubulondoloshi bwa bupilibulo bwa imisango ya Litalica yalembwa, elyo na ukuilondolola ubupilibulo bwa misango ya Litalica yalembwa apali nga ifitabo, amalango elyo na utusela.

Ifyakubomfya pakufunda:

Ifitabo, utumalyashi utwipi, bamagazine, amapepala ya ilyashi



Ifyakucita 1: Abasambi bafwile ukwishiba imisango ya Litalica yalembwa.

i. Kafundisha:

- Eba abasambi balumbule imisango ya Litalica yalembwa
- Amasuko kuti yaba nga aya elyo nayambi ayapalileko:

Ifilangililo:

- ✓ Ifitabo fya ilyashi
- ✓ Amalango
- ✓ Utusela

ii. Abasambi

- Abasambi beshibe imisango ya Litalica yalembwa

Imibombele ileenekelwa:

Imisango ya Litalica yalembwa ya ishibikwa bwino-bwino

 Ifyakucita 2:

Abasambi balondolole imisango ya Litalica ya yalembwa

i. Kafundisha:

- Eba abasambi ukulondolola imisango ya Litalica yalembwa
- Amasuko kuti yaba nga aya elyo nayambi ayapalileko:

Ifilangililo:

✓ **Ifitabo fya ilyashi:**

Ni umo umwaba ilyashi lyakwelenganya elyo na ilya cishinka

• **Amalango:**

Uku kusosa kwa maano ukubomfya ifiunda ifyakosa elyo na ifiunda ifyanaka pakwesha ukutatakula atemwa pakusosa pa cintu icili nga ubwafya pakati ka bantu. Amalango yasoswa nga umushikakulo.

✓ **Utusela:**

Ifyangalo kuti fyaba tusela uto ulukuta lwabantu lubomfya mukufundilako abantu, mukukansha imbili yabantu pamo nga inkampa na kaseko.

ii. Abasambi:

- Balondolole imisango ya Litalica yalembwa

Imibombele ileenekelwa:

Imisango ya Litalica yalembwa ya londolwa bwino-bwino



Ukusupawila:

Abasambi baishiba na ukulondolola imisango ya Litalica yalembwa



Ukwesha abasambi:

1. Lumbula imisango ya Litalica yalembwa
2. Londolola umwalola ishiwi: amalango
3. Mu mabumba pangenzi akasela akakwete umutwe uumutemenwe

Umutwe Unoono 2: Amabumba ya misango ya Litalica yalembwa

Ubulondoloshi:

Muli uyu mutwe abasambi balasambilila pamabumba ya misango wa Litalica yalembwa. Balaishiba amabumba na imisango ya Litalica yalembwa. Teyapo peeka, balalondolola cila ibumba, na ukupeela ifilangililo.

Ifilekabilwa ukwishiba:

Abasambi balekabilwa ukubiika Litalica yalembwa mumabumba



Ifikomo fyakufunda:

- Ukwishiba ama bumba ya misango ya Litalica yalembwa
- Ukulondolola ama bumba ya misango ya Litalica yalembwa
- Ukupeela ifilangililo fya mabumba ya Litalica yalembwa

Icishibisho kuli Kafundisha:

Kafundisha umone ukuti abasambi baishiba amabumba ya misango ya Litalica yalembwa ayakalamba umo yafwile ukuba. Teyapo peeka abasambi balondolole pamabumba ya misango ya Litalica yalembwa na ukupeele ifilangililo.

Ifyakubomfya pa kufunda:

Ifitabo fya Litalica, ubunkolanya, icilimba

Ifyakucita 1:

Abasambi bafwile ukwishiba amabumba yamisango ya Litalica yalembwa

i. Kafundisha:

- Eba abasambi balumbule amabumba ya misango ya Litalica yalembwa

Ifilangililo:

Litalica yalembwa yaba mu misango iyatatu umwaba amabumba aya
lekana-lekana

i. Prose (Ifitabo fya malyashi):

Muli uyu musango emwabumba amabumba ya short stories (amalyashi ayepi) na ama novels (ifitabo fya malyashi ayatali).

ii. Poetry (Amalango):

Apali amabumba nga elegies (inyimbo sha bulanda), epic (imishikakulo), lullaby (inyimbo sha kutalalika nangu ukulalikisha abaana), pynagyrical (amalumbo), lyric (inyimbo shakukuntikilwa)

iii. **Drama (Utusela):**

Apali ambaumba nga comedy (utusela twakusekesha), tragedy (utusela twabulanda), melodrama (utusela utucila mucipimo)

ii. **Abasambi:**

- Balumbule amabumba ya misango ya Litalica yalembwa

Imibombele ileenekelwa:

Amabumba ya misango ya Litalica ya lumbulwa umupwilapo

 Ifyakucita 2:

Ukulondolola amabumba ya misango ya Litalica yalembwa

i. **Kafundisha:**

- Eba abasambi ukulondolola amabumba ya misango ya Litalica yalembwa

Ifilangililo:

i. **Prose (Ifitabo fya malyashi):**

Umu mwaba amabumba yama short stories (amalyashi ayepi) na ama novels (amalyshi ayatali). Kwaba na ututabo twakubelenga mumasukulu na utushibomfiwa mumasukulu, ama pepala ya ilyashi elyo na ilyashi lyalembwa mumusango wakulanshanya. Kwaba na ukulemba pabantu, nangula pafintu, pa ncende, pabwikashi bwamuntu umwine, ifishibisho na fimbipo. Amalyashi yamo ya cishinka elyo yambi yakwelelenganyafye.

ii. **Poetry (Amalango):**

Mwaba amabumba ya misango ya Litalica yalembwa ngaya pa isamba:

a. **Elegies (Inyimbo sha bulanda):**

Aya malango ayakwata amashiwi yacililishi, ukullosha umuntu uufwiile nangu cintu umuntu alofeshe ico atemwisha.

b. **Epic (Imishikakulo):**

Aya malango ayalumbanya bashimucindikwa pamilimo baaboomba. Mu caalo ceesu ica Zambia kuti umuntu apanga umushikakulo uleelanda pa mibombele ya bakateeka ba kubalilapo ba Dr. Daivid Kaunda ukulanda nangu ukutatakula imilimo babombela pakupoka ubuntungwa mu caalo ceesu ica Zambia.

c. **Lullaby (Inyimbo sha kutalalika nangu ukulalikisha abana):**

Ishi ni nyimbo isho twimbiila abaana nga cakuti tulebatalalika nangu ukubalalikisha.

Pamo nga icilangililo pa isamba:

Mwana alila tumupape

Tata shimwamba taishiba kulela

d. **Panegyric (Amalumbo):**

Amalumbo ayakutatakwiila ba shimucindikwa abaibimba mufikansa fya calo, ba shamfumu, bacilolo na bakateeka.

e. **Lyric (Inyimbo shakukuntikilwa):**

Umu emwaba ifyalembwa pafyo umuntu aleumfwa, ifyo akuntikilwa kumutima, limbi aumfwa uluse, ukutemwa, ubulanda, ukufulwa, ukupata pamo nga

ifyo umuntu omfwa ngaali mucitemwiko nangu mubululanda.

f. **Drama (Utusela):**

Musango wa Litalica yalembwa umusangwa amabumba nga aya balondolwele pa isamba:

i. **Comedy (Utusela twakusekesha):**

Tusela tumo tusekesha abaletamba. Umulimo wa utu tusela kusasamusha abeletamba.

ii. **Tragedy (Utusela twabulanda):**

Utu tusela tumo tuleta ubulanda na uluse kubaletamba. Utu tusela tulenga abaletamba bakwata ubulanda na uluse kumulandu wa mafya abantu bali muli utu tusela baleshingwana nabo.

iii. **Melodrama (Utusela utucila mucipimo):**

Muli utu tusela abantu abasangwamo bacita ifintu ukucila mucipimo kabili yena ilalenga abaletamba ukulenga ukumfwa fintu baleumfwa kwati nalimo nabo balipamo nabali mu kasela.

ii. **Abasambi:**

- Bapeele ubulondoloshi bwa mabumba ya misango ya Litalica yalembwa

Imibombele ileenekelwa:

Amabumba ya misango ya Litalica yalembwa yalondololwa ukufikapo

 Ifyakucita 3:

Ukupeela ifilangililo fya mabumba ya Litalica yalembwa

i. Kafundisha:

- Eba abasambi bapeele ifilangilililo umo balabomfya amabumba yamisango ya Litalica yalembwa

Icilangililo 1:

Short story (Ilyashi lya kwa Mpambwe)

Mpambwe afumine ku caalo ca Tanzania elyo aishilefikila Mu Kabuta. Pamulandu wakutila ali ni Cibinda nangula fundi wa nama, Mpambwe aupile abanakashi abengi icinecine. Abakashi bakwa Mpambwe abengi bali bena Chishinga ukufuma ku Kawambwa, bamo pali abo baali: ni Mambwe Mupansa, Nandele, Nakulu Kalwele, Na Chipumbuka, Nakulu Mutolo nabambipo.

Mpambwe balimutemenwe saana kumfumu ba Mukupa Katandula naba Nsama pa mulandu wakuti ali na ubupe pantu alepeela umuntu onse nga aipaya inama. Filya Icibemba citiila ‘uwanga nolupanga akafwa ku lupanga,’ Mpambwe afwile ku Mboo eyamwipye panuma aipika nemfuti ya mututila mu mpanga ya Chilombwa. Nabamushikile ni Chendela na Kapungwe abaana bakwe abaume. Abantu abengi balimuloseshe icine-cine baletifye ‘cibinda waya! wewali kape-kape! wewalepela nga ukufwita kafikepo umutende Kwa Lesa ku Matanda! ninshi abena Chishinga nabesa baleimba icimbo ca malilo icanjimuna bulanda.

Ili lyashi cilangililo ca short stories (ilyashi ilipi). Nga lyali mukasela kuti lyaba ni tragedy (utusela twa bulanda).

Icilangililo 2:

Epic (Umushikakulo wa pa Buntungwa) Na ba Simon Mwansa Kapwepwe: Afrika Twasebana; ibuula 110)

Tepapa nefwe twaseka fwebashabala atuseka

Tepapa nefwe twayendela fwebashatala atwenda
Tepapa fwebakutwalwa icibalo lelo twakana
Tepapa fwebenda 'namapaso'lelo tatukwete
Tepapa fwebacula 'kucipekeni'lelo twailalila
Tepapa fwebenda nga abeni lelo twaiteka
Tepapa fwebomwalepuma kuli 'kambalamatole'
Iyoo
Lelo cilubula kuwafiita alesananga!
Lelo icilubula kuwafiita aletanda nomupunga

Muli uyu mushikakulo kalemba alelanda pafilecitika pamulandu
wakupoka ubuntungwa.

Icilangililo 3:

**Elegy (Amalumbo yakufuluka, ukwibukisha na ukuloosha
Shaka Zulu) Yalembelwe naba Simon Mwansa Kapwepwe;
Afrika Twasebana; ibuula 118**

Shaka mupapwa mung'ombe, imfumu yama Zulu,
Cikonkolo nsukuswa mumabumba,
Shimwimbilwa –mapembwe,
Cimpolonge amalaila shalila pangw'ena
Shaka mukali wapwa bantu
Shaka wayakwi wenkwela weciibi cesu!
Nafwayafwaya umusumba onse nshimumwene!
Nafwayafwaya mwibala lyamusumba nshimumwene!
Shaka ngani kumpili wile njasuka!
Nampo nganikubulwi ele!

Nafwaya fwaya napelelelwa nayoyomba

Ala baleti Shaka nafwa! Shaka nafwa?

Afwilile kwi?

Cinshi calya Shaka imfumu kabili inkwela yaba Zulu?

Aya kumbo ukushiya ababwela!

Uko bashipilibuka uko bashasuka! Uko bashibwela! Kalaale Shaka
wempalume!

Limo mwibumba lya manshoko (poetry) ubupilibulo limo
tabulolenkana nafyo icintu cimoneka

*Ili lango lya elegy kabili nga ni drama (akasela) nishi ni tragedy
pantu kwibukisha na ukuloosha Shaka imfumu yaba Zulu uwakeene
Ba Mwisa abali nga Amabunu nababuta.*

ii. Abasambi:

- Bapeele ifilangililo fya mabumba ya misango ya Litalica yalembwa

Imibombele ileenekelwa:

Ifilangililo fya mabumba ya misango ya Litalica yalembwa fyalondololwa bwino-bwino



Ukusupawila:

Abasambi basambilila amabumba ya misango ya Litalica yalembwa na ukupeela ifilangililo



Ukwesha abasambi:

1. Mumashiwi yoobe lemba ilyashi limo ilyo wabelengapo mufitabo ifili fyonse, elyo upitulukemo ukumona ibumba wingabiikamo ilyo ilyahi.
2. Tatakula umuntu waishiba muncenda wikala.

Umutwe Unoono 3: Ukupalana na ukupusana kwa misango ya Litalica

Ubulondoloshi:

Muli uyu mutwe uunono, abasambi balasambilila pa kupalana na ukupusana kwa misango ya Litalica yalembwa. Bafwile baishiba ifikomo ifyapalana na ifyapusana mu misango ya Litalica yalembwa. Amalango, utusela, Litalica yalembwa iilanda pa fishinka elyo na Litalica yalembwa iyakwelenganya. Limo limo, imisango yalekelesha ibili iya Litalica yakulemba ilabikwa pamo na ukwitwa litalica yakulemba mukutwalilila. Abasambi batantike ukupalana na ukupusana kwaba pakati ka misango ya Litalica yalembwa, kabili balange na ubukankala bwa Litalica yalembwa.

Ifilekabilwa ukwishiba:

Abasambi baleenekelwa ukupalanya na ukupusanya imisango ya Litalica yalembwa.



Ifikomo fyakufunda:

- Ukutantika ukupalana kwa misango ya Litalica yalembwa.
- Ukutantika ubupusano bwa misango ya Litalica yalembwa.
- Ukulanga ubukankala bwa misango ya Litalica yalembwa.

Icishibisho kuli Kafundisha:

Kafundisha amone ukutila abasambi baishiba bwino-bwino ukupalanya na ukupusanya imisango ya litalica yalembwa elyo na ukulanga ubukankala bwa misango ya Litalica yalembwa.

Ifya kubomfya pa kufunda:

Ifitabo fya Litalica



Ifyakucita 1:

Abasambi bafwile ukutantika ukupalana kwa misango ya Litalica yalembwa.

i. Kafundisha:

- Eba abasambi ukutantika ukupalana kwa misango ya Litalica yalembwa

Ifilangililo:

- ✓ Amalango na utusela filembwa kwati kalemba alesosa ku bantu
- ✓ Amalango, utusela, na ifitabo fya malyashi, fyonse filakwata icikomo (theme) icikankala ica kufundako abantu
- ✓ Amalango, utusela, na ifitabo ifyalembwa filasungwa inshita ntali pakutula abana kukula baisa belenga ifyo abantu baleikala na ukucita kale
- ✓ Ukulemba amalango, utusela, ifitabo ninshila yakusungilamo intambi ukufuma kunkulo imo ukuya kuyakonkapo
- ✓ Imisango yonse iya Litalica yalembwa yalikwata inshita na incende ilyashi, akasela nangu amalango fyacitikilepo
- ✓ Amalango, utusela, ifitabo filakwata abasangwamo nangu ifintu ifisangwamo ificita ifilefwaikwa pakutula ilyashi lyaba ilyatumpuluka Kuti caba bantu, ifinama, ifyuni, insoka, amabwe, amenshi, umwela, elyo nafimbipo (characters)
- ✓ Imisango yonse iya litalica yalembwa ilakwata umutwe wa ilyashi (title)
- ✓ Imisango yonse iya Litalica iyalembwa ilakwata imilembele iyasuminishiwa (style)

Ifi fyonse ifitantikwe apa filelanda pakupalana kwa misango iya Litalica yalembwa.

ii. Abasambi:

- Abasambi batantike ukupalana kwa Litalica yalembwa

Imibombele ileenekelwa:

Ukupalana kwa misango ya Litalica yalembwa kwatantikwa bwino-bwino

 Ifyakucita 2:

Abasambi bafwile ukutantika ubupusano bwa misango ya Litalica yalembwa

i. Kafundisha:

- Eba abasambi ukutantika ubupusano bwa misango ya Litalica yakulembwa

Ifilangililo:

- ✓ Amalango na utusela ni Litalica yalembwa iikabila ukubelenga na ukulangisha abantu ilyo balekutika na ukumona ifyalembwa lelo ifya mututabo iikabilafye ukubelenga
- ✓ Litalica yamalango na utusela icitilwa mu mayanda atemwa imiputule iyasontwa lelo ifitabo kuti fyabelengwa apali ponse
- ✓ Litalica yamalango na utusela ilembwa ukulanda pafintu ifilecitika panshita iyoyine na iyakuntanshi lelo litalica yamalyashi yacishinka na amalyashi yakwelenganyafye ilanda pafyacitike kale
- ✓ Amalyashi ya mufitabo yalakwata umutwe wa ilyashi na utumitwe twa malyashi utunoono ifishisangwa mutusela na mumalango
- ✓ Amalango na utusela fibelengwa pa muku umofye na ukupwa lelo litalica yamalyashi yacishinka na amalyashi yakwelenganyafye ibelengwa imiku iingi pantu muba amabula ayengi
- ✓ Amalango na utusela filembwa mutumisela utwipi leelo ilyashi lya mufitabo yibomfya imisela iitali kabili iyapwililika
- ✓ Litalica yamufitabo ilakwata ifipande lelo iya malango na utusela taikwata
- ✓ Amalango na utusela filembwa mutumisela utwipi lelo Litalica yamalyashi yacishinka na amalyashi yakwelenganyafye ilembwa mu misela iyapwililika atemwa

iyitali

ii. Abasambi:

- Batantike ubupusano bwa misango ya Litalica yalembwa

Imibombele ileenekelwa:

Ubupusano bwa misango ya Litalica yalembwa bwa tantikwa na bwino-bwino

 Ifyakucita 3:

Abasambi bafwile ukulanga ubukankala bwa misango ya Litalica yalembwa

i. Kafundisha:

- Eba abasambi ukulanga ubukankala bwa misango ya Litalica yalembwa

Ifilangililo:

- ✓ Amalango, utusela na fitabo fya malyashi filakwata isambilo
Kubalebelenga
- ✓ Amalango, utusela na ifitabo fya malyashi filalembwa na ukusungwa pakutila abana kukula baisesa belenga na ukusambilila imikalile abakale bakwete
- ✓ Ukulemba amalango, utusela na ifitabo fya malyashi ninshila yakusungilamo intambi ukufuma kunkulo imo ukuya kuyakonkapo
- ✓ Litalica yalembwa ilalenga abantu pamo na basambi ukwishiba imilembele yamashiwi ayapusana pusana.
- ✓ Litalica yakulemba ilalenga abasambi ukwishiba ukubelenga
amashiwi ayapusana pusana
- ✓ Litalica yalembwa ilalenga abasambi ukutontontanya

mukushika

✓ Litalica yalembwa ilalenga abasambi ukusambilila
ukulemba

ututabo twabo.

✓ Litalica yalembwa ilalenga abasambi ukwishiba ifyo abantu
bekala muncende shabo na mufyalo umobashaya

✓ Litalica yalembwa ilalenga abasambi ukusuntinkanya
ifyobabelenga na imikalile yabo

ii. Abasambi:

- Balange ubukankala bwa misango ya Litalica yalembwa

Imibombeke ileenekelwa:

Ubukankala bwa misango ya Litalica yalembwa bwa bwalangwa bwino-bwino



Ukusupawila:

Abasambi baishiba ukupalanya na ukupusanya imisango ya Litalica yalembwa kabili kalanga na
ubukankala bwa misango ya Litalica yalembwa.



Ukwesha Abasambi:

1. Lemba ifintu fine ifilelanga ukupalana kwa misango ya Litalica yalembwa.
2. Bupusanonshi butatu ubwaba pa misango ya Litalica yalembwa?
3. Langa ubukankala butatu ubwa misango ya Litalica yalembwa.

Umutwe Unoono 4: Imilimo ya Litalica Iyalembwa

Ubulondoloshi:

Muli uyu mutwe abasambi balasambilila pa milimo ya Litalica yalembwa. Litalica yalembwa
malyashi ayo yonse ayalembwa mu fitabo namu mapepela ye lyashi ayalekana-lekana. Abasambi
bafwile baishiba imilimo iyalekenalekena iyo Litalica yalembwa kabili bafwile balanga ukupitila
mukupeela ifilangililo.

Ifilekabilwa Ukwishiba:

Abasambi balekabilwa ukwishiba imilimo Litalica yakulemba ibomba. Batantike, balondolole kabili balange iyii mililimo.



Ifikomo fyakufunda:

- Ukutantika imilimo ya Litalica yalembwa
- Ukulondolola imilimo Litalica yalembwa
- Ukulanga imilimo Litalica Iyalembwa ibomba

Icishibisho Kuli Kafundisha:

Kafundisha amone ukuti abasambi baishiba imilimo Litalica yalembwa ibomba, batantike, balondolole elyo kabili balange imilimo Litalica Iyalembwa ibomba.

Ifyakubomfya pakufunda:

Ifitabo, amapeepala ya ilyashi ayalekana-lekana elyo naba magazine.



Ifyakucita 1:

Abasambi bafwile ukutantika imilimo ya Litalica yalembwa.

i. Kafundisha:

- Eba abasambi batantike imilimo ya Litalica yalembwa

Ifilangililo fya milimo ya Litalica yalembwa:

- ✓ Litalica yalembwa ilasasamusha
- ✓ Litalica yalembwa ilalenga abantu ukufika ku ncende uko tabaya
- ✓ Litalica yalembwa ilafwa umuntu ukukula munitotokanishishe
- ✓ Litalica yalembwa ilafwa abantu baaba abasalapuka
- ✓ Litalica Iyalembwa ninshila imo iyakusungilamo intambi
- ✓ Litalica yalembwa ilafwa bakalemba ukulanda ifyo baletontokanya, ifyo baleumfwa na ifyo bapitamo

- ✓ Litalica cilolani cabakabelenga ico icilenga umuntu ukuibika mulyashi na ukuimona umwine nga cakuti ifyo alebelenga nafimukuma
- ✓ Litalica yalembwa ilasunga amalyashi yakale
- ✓ Litalica yalembwa ninshila imo iyo ululimi lubomfiwa mukulanga amalyashi yakwelenganyafye

ii. Abasambi:

- Abasambi batantike imilimo ya Litalica yalembwa

Imibombele ileenekelwa:

Imilimo ya Litalica yalembwa yatantikwa ukufikapo

Ifyakucita 2:

Abasambi bafwile ukulondolola imilimo Litalica yalemba ibomba

i. Kafundisha:

- Eba abasambi balondolole imilimo Litalica yalembwa ibomba

Ifilangililo:

- ✓ Litalica yalembwa ilasamussha emukuti ilyo twabelenga amalyashi ayalembwa mufitabo ifyalekanalekana kulaba ukukwata insansa nga cakutla ilyashi lilimo lyansansa
- ✓ Litalica yalembwa ilalenga abantu ukufika ku ncende uko tabafikaka emukutla, ilyo balebelenga balakwata umuntontonkanya wakulya ku ncende yalembwa
- ✓ Litalica yalembwa ilalenga bakabelenga ukusambilila pa fintu ifyo tabaishiba
- ✓ Litalica yalembwa ilafwa umuntu ukukula mumitontokanishishe, mumimwene namumicitile yafintu, emukutla umuntu nga abelenga ifitabo ifyalekana-lekana alakutuluka mufintu ifingi icine-cine

- ✓ Litalica yalembwa ilafwa abantu baaba abasalapuka na ukwishiba ukulengulula imitekele, na ukukwatamo ulubali mufibakumine
- ✓ Litalica yalembwa ninshila imo iyo intambi shisungilwamo na ukusabankanishiwa ukufuma kunkulo imo ukufika na kuiibiye, emukutula ifyacitike kale fisungilwemo pakuti abaana kufyalwa bekese fisanga
- ✓ Litalica yalembwa ilafwa bakalemba ukulanda ifyo balentokanya, ifyo baleumfwa na ifyo bapitamo
- ✓ Litalica cilolani cabakabelenga ico icilenga umuntu ukuibika mulyashi na ukuimona umwine nga cakuti ifyo alebelenga nafimukuma nangu iyo
- ✓ Litalica yalembwa ilasunga amalyashi yakale ukwabula ukufumyamo ifikomo ifyabamo emukutula uwabelengele kale, na leelo nauukabelenga kunshita yakuntanshi bonse bakakwatafye ubwishibilo bumo bwine
- ✓ Litalica yalembwa ninshila imo iyo ululimi nabongobongo fibomfiwa mukwelenganya amashiwi mukupalanya ifilembelwe kumikalile yabantu

ii. Abasambi:

- Balondolole imilimo ya Litalica yalembwa

Imibombe ileenekelwa:

Imilimo ya Litalica yalembwa yalondololwa umupwilapo

Ifyakucita 3:

Abasambi balange imilimo Litalica Iyalembwa ibomba

i. Kafundisha:

- Eba abasambi balange imilimo ya Litalica Iyalembwa

Icilanglilo:

Ilyashi lyakwampulula mu Katabo ka ‘Sheli Wa cibili. Ibuula 88, akalembwa naba W.B. Chilangwa’

Mucibanda-oti Sheli asendeme mwali abakaili abacitile imilandu yalekanana. Sheli alefwaisha saana ukuti eshibe imilandu yacitile abakaili banankwe. Pakuti eshibe, Sheli aipushapo umunankwe umo uo bapalameene naankwe imisengele untu baleita ishina lya Saukani Eliphos. Sheli, ‘mulandunshi wakuleeta kuno?’ Saukani, ‘Ala mune banjikete na umulandu wakwibila umukashana wesukulu indalama’

Sheli, ‘nga kanshi waibikile shani mumusango wakwibila abaantu?’

Saukani, ‘ala ine nabanandi batatu pamo ngape twaile mukutandala mu citesheni camyotoka ica KMB muno mwine mu Kitwe.

Sheli, ‘Ngefyo waeba auti mwaleeya mukutandala pacitesheni ca myotoka pamo ngape, ekuila tawalebomba iyoo?’

Saukani, ‘Twalebomba kabili pa citesheni peene.’

Sheli, ‘Ncito nshi?’

Saukani, ‘Nga ukwibila abantu indalama.’

Muli ililyashi muli isambililo ilyakutula nga umuntu aiba kuti akakwa mu cifungo. Nakabili lileleta inseko ku balebelenga pakuti umuntu ebile umwana wa isukulu uukwetefye ifitabo ukwabula indalama. Teyapo peeka, ilyo umuntu alebenga ili lyashi alelafya icitendwe.

ii. Abasambi:

- Balange imilimo ya Litalica yalembwa

Imibombe ileenekelwa:

Imilimo ya Litalica yalembwa yalangwa bwino-bwino



Ukusupawila:

Abasambi basambilila imilimo Litalica yalembwa ibomba ukupitila mu kutantika, ukulondolola na ukulanga iyi milimo.



Ukwesha Abasambi:

1. Tantika imilimo ya Litalica yalembwa.
2. Londola imilimo ya Litalica yalembwa.
3. Langa mililimo ya Litalica yalembwa ukufuma mufitabo, nagula muli ba magazine abalekana- lekana nangula mumapepalala yelyashi ayo wabelengapo.

UMUTWE 3: IFISOLOBELO FYA MU LITALICA

Ubulondoloshi:

Muli uyu mutwe, abasambi balasambilila ifisolobelo na imisango ya fisolobelelo apali nga; Similes (amampalanya) na metaphor (imilangwe), imagery (ifituleenga ukwelenganya), onomatopoeia (amashiwi ayapangwa kufiuunda fya fintu), euphemism (amashiwi ayafisa umusalula), hyperbole (amashiwi ayakusha icintu ukucila mucipimo), personification (amashiwi ayapeela imibeela ya muntu ku fintu ifishili fya mweo nangu inama), satire (malyashi ayasuusha abantu nangula imicitile yafintu iyabipa) nayambipo. Ifi ifisolobelo tulafibomfya ukuwaminikisha na ukupakamisha Litalica. Muli ili sambililo abasambi balaishiba imibomfeshe na ubupilibulo bwa ifi fisolobelo muli Litalica.

Umutwe unoono: Imisango yafisolobelo fya Litalica

Ubulondoloshi:

Muli ici ciputwala abasambi balasambilila imisango iya pusana-pusana iya fisolobelo ifibomfiwa muli Litalica. Ifi fibomfiwa mukupakamisha Litalica pakuti ingaba iyapusanako na kumilembele imbi iyafye.

Ifilekabilwa Ukwishiba:

Abasambi balanshanye imisango ya ifi fisolobelo



Ifikomo fyakufunda:

- Ukwishiba imisango ya fisolobelo fyaba mu Litalica
- Ukulondolola ifisolobelo ifibomfiwa muli Litalica
- Ukupeela ifilangililo fya misango ya fisolobelo fya Litalica

Icishibisho kuli Kafundisha:

Kafundisha umone ukuti abasambi baishiba imisango ya fisolobelo fyaba mu Litalica, ukulondolola ifisolobelo ifibomfiwa elyo na ukupeela ifilangilo fya ifi fisolobelo

Ifyakubomfya pakufunda:

Ifitabo fya Litalica umusangwa amashiwi ya fisolobelo, expert (bakaswili/ abantu abakwatapo ubwishibilo pafisolobelo)

Ifyakucita 1:

Abasambi bafwile ukwishiba imisango ya fisolobelo fyamu Litalica

ii. Kafundisha:

- Eba abasambi balumbule imisango ya fisolobelo ifibomfiwa muli Litalica.

Ifilangililo:

- ✓ Ifisolobelo mashiwi yamo ayotubomfya mukupakamisha Litalica pakuti yapusanako na imibomfeshe yamashiwi yantu tubomfya pakulanda. Teyapo peeka, Ifisolobele filalenga imibomfeshe ya mashiwi mu Litalica yapusanako na ifyo tubomfya amashiwi mumilandile yafye nga tulelanshanya nabanensu. Ifisolobelo filalenga twakwata ukwelenganya icintu icilelandwapo mu mano yesu.
- ✓ Imisango imo iya fisolobeeleo fya Litalica nii:
 - a. Simile (Amampalanya)
 - b. Metaphor (Imilangwe)
 - c. Imagery (Ifyakwelenganya)
 - d. Onomatopoeia (Ifiunda)
 - e. Euphemism (Ishiwi lifisa umusalula)
 - f. Hyperbole (Ukukusha ifintu ukucila mucipimo)

- g. Personification (Ukupeela imbeela yamuntu kufintu ifishili bantu)
- h. Satire (Amashiwi ayalanda pakusuusha ifyabipa ifilecitwa)

ii. Abasambi:

- Balumbule imisango yafisolobelo ifibomfiwa muli Lilitica

Imibombele ileenekelwa:

Imisango yafisolobelo ifibomfiwa muli Lilitica fyalumbulwa umupwilapo

Ifyakucita 2:

Abasambi bafwile ukulondolola imisango yafisolobelo

i. Kafundisha:

- Eba abasambi balondolole imisango yafisolobelo ya Lilitica

Ifilangililo:



Simile (Amampalanya):

Mashiwi aya palanya abantu nangu ifintu ifishipalene lelo mumibeele nangu mumisango fintu fyapalana ukubomfya ishiwi lya “nga” elibomfiwa nga kuli uku uku kupalanya.



Metaphor (Imilangwe):

Mashiwi yamo aya mampalanya aya palanya ifintu ifishilingene mu mimonekele lelo fintu fyapalana mu misango nangu mumibele ukwabula ukubomfya ishiwi lya “nga” nga mu mampalanya.



Imagery (Mashiwi yakwelenganya):

Ukwelenganya icintu ukubomfya maano yeesu yasano ayali nga, amaano yakunuunsha, aya kumona, aya kumfwa ifiunda, aya kusonda ifintu elya naya kwiikata ifintu.

✓ **Onomatopea (Ifiunda):**

Mashiwi ayapangwa uukufuma kufiunda fya fintu nangu icintu.

✓ **Euphemism (Mashiwi ayafisa umusalula):**

Aya mashiwi yabomfiwa pakulesha ukulanda amashiwi ya musalula nangu amashiwi ayo aya shumfwika bwino kubantu.

✓ **Hyperbole (Ukukusha ifintu ukucila mucipimo):**

Mashiwi ayakusha nangu ukufusha ifintu ukucila mucipimo pakuti umuntu aleenganye bwino pafilelandwa.

✓ **Personification (Ukupeela imbeela ya muntu, ifintu ifishili bantu):**

Inshimi ishingi mwaba inama, ubowa ifyuulu na fimbipo ifishilanda nangu ifishili fya mweo ifilelanda, ukushana, ukuseeka na imisango iimbi icitwa na bantu

✓ **Satire (Amashiwi ayalanda pakusuusha ifyabipa ifilecitwa):**

Aya mashiwi yabomfiwa mukusuusha imicitile ya bantu iibi.

ii. Abasambi:

- Balondolole imisango yafisolobelo ya Litalica bwino- bwino

Imibombele ileenekelwa:

Imisango ya fisolobelo fya Litalica yalondololwa bwino-bwino

 Ifyakucita 3:

Ukupeela ifilangililo fya misango ya fisolobelo fya Litalica

i. **Kafundisha:**

- Eba abasambi bapela ifilangililo fya fisolobelo fisangwa mu Litalica

Ifilangililo:

- a **Imagery (Ifyakwelenganya):** Kuti twalanda pa cintu nangu ifintu tulefwaya kuti umuntu eelenganye na mano yakwe yasano. **Pamo nga ifi:**
- Nshatemwa ukwingila mu fimbusu fya cintu bwingi pantu filanuka na nuu kuti ne myona ya paanta.
- b **Onamatopea (Ifiunda):** Amashiwi aya pangwa ku fiunda fya fintu nangu icintu. **Pamo nga ifi:**
- Ilibwe nga lyaponena mu menshi lipanga iciunda ca “ndubwi”
 - ✓ Imbushi ilila ati “meee”
- c **Euphemism (Amashiwi ayalanga umucinshi na ukufisa umusalula):** Pamo nga ifi:
- ✓ Munshita ya kulanda ukuti, namayo ali na ifumo, tutiila, namayo alipabukulu nangu nafina amoolu.
 - ✓ Mushita ya kulanda ukuti, naya kucimbusu, tutiila naya ku ng’anda nkalamba.
- d **Hyperbole (Mashiwi ayakusha nangu ukufusha ifintu ukucila mucipimo):** Pamo nga ifi:
- ✓ Munshita ya ukuti, abantu bacifula nangu baciiba abengi, kuti wabomfya amashiwi ya kufusha na ukutiila, abantu baacibako caani cakumutenge
 - ✓ Munshita yakutiila Bwalya acilila saana kuti mwatiila, Bwalya acilila icakuti na ifilamba kuti fyaisula imbeketi
- e **Simile (Amampalanya):** Amampalanya mashiwi

ayabomfya ishiwi lya “nga” pakupalanya ifintu. **Pamo nga ifi:**

- ✓ Mwape aawaama nga ulutanda
- ✓ Bataata baakaliipa nga inkalamo

f **Metaphor (Imilangwe):** Imilangwe taibomfya ishiwi lya “nga” nga mu mampalanya pakupalanya ifintu. Lyena pakupalanya ifintu imiseela iba nga ifi:

- ✓ Mwape lutanda
- ✓ Batata ni nkalamo

g **Satire (Amashiwi nangula amalyashi yamanshoko ayalanda pakususha ifintu ifilecitika):** Nga ifi:

- Ubwinanama bwalikele bwalikeele fye bwino mumpanga, ilyo bwaletekwa na Kalulu. Kwali umulinganya wamitungulwile yafintu, icakutilla ponse apo Kalulu apita bonse baleombafye amakuuku, baleti ‘Ba Kalulu Mukulu Mweshinalukonde na ukumutuula ifintu ifingi icine-cine. Ubushiku bumo Kalulu naikala amonafye Imfubu ileisa ilepemashika, Kalulu atila ‘Kabafike mukwai’. Awe ba Mfubu tondolo. Papita inshita panoono Insofu nayo yafika naikalipa. Inkalamo nayo ifyofine. Cipembele na Indyabuluba nafyo fyafika nafifulwa. Kanshi inama shonse ishikalamba shafulwa na ukwimina Kalulu na ukumufumya pabufumu na ukubikapo inkalamo.

Muli fyonse ifyalecitika kanshi Kolwe na Fulwe ebaumfwilile Kalulu ubufuba pamucinshi akwete na ubutungulushi ubusuma na ukuyabepa inama nkalamba shonse ati Kalulu aleyumfwa ati ndatungulula inama ishikulu nalishicila amano. Kanshi ekumwimina ukumufumyapo.

Ilyo inkalamo yaleteka inama shinoono shatampile ukuilishanya pamucisha cinani na ulufyengo lwaba Nkalamo pantu balitampile na ukulya inaana. Ilyo kalulu ali pa Butungulushi ifintu fyalifye bwino.

Kanshi ubwinanama bwalisalangene pa mulandu wakutekelwa ku lucu kabili na buluku-buluku.

Ubupilibulo bwelyashi ili:

Ilyashi lilelanda pa bantu ababufi na ubufuba ilyo umunabo aleteeka elyo limo na ukuteka imitima ilyo twaumfwa ilyashi ilili lyonse, pantu amalyashi yamo yabuufi kuti yafumya umuntu apasanseme yamutwala apaleloka. ‘Ubwikashi busuma bulakola’,

ii. Abasambi:

- Bapeele ifilangililo fya misango ya fisobelo fya Litalica

Imibombele ileenekelwa:

Imisango ya fisolobelo fyalekana-lekana yapeelwa mukushika



Ukusupawila:

Ilisambililo lyacikomaila pa fisolobelo fintu tubomfya mu Litalica na imisango yafiko. Nakabili lya londolola ifisolobelo ifyalekana-lekana na ukupeela abasambi ifilangililo ifyo bengabomfya imisango yafisolobelo iyalekana-lekana mu miseela.



Ukwesha abasambi:

1. Londolola umwalola ishiwi lyafisolobelo
2. Lumbula imisango ya fisolobelo itatu elyo uilondolole ubusaka

3. Peela imiseela itatu uumo walabomfya amashiwi ya misango yafisolobelo.

UMUTWE 4: AKASHIMI (IFIBOMBELO BABOMFYA PAKUPANGA AKASHIMI KA KULANDA)

Umutwe Unoono 1: Imibele ya bantu atemwa ifintu fisangwa mu

kashimi

Ubulondoloshi:

Muli uyu mutwe uunono, abasambi balasambilila pa mibele ya bantu nangu ifintu ifisangwa mu kashimi ka kulanda. Balalondolola imisango ya mibele ya bantu atemwa ifintu ifisangwa mu kashimi. Kwaba umwine wa kashimi nangu icine ca kashimi, Kwaba abatungilila akashimi, kwaba abasangwa pakutampa mumibele imo lelo mukelekelesha bayalula imibele, bambi nabo babafye cimo cine ukufuma kukutendeka kwa kashimi ukufika nakumpela elyo kwaba nabambi abakwata imibele yabasangwa mu kashimi bonse nangu ifisangwa mu kashimi fyonse. Ifintu ifisangwa mukashimi ka kulanda fimo fimo nifi; abantu, ifinama, amabwe, ifimiti, amenshi, ifyuni, umwela, nafimbipo. Bafwile ukusobolola imisango yafintu ifipangile ilyashi ilipelwe. Abasambi balasambilila umupwilapo umulimo wa cilacintu atemwa cila muntu uusangilwe mu kashimi.

Ifilekabilwa ukwishiba:

Abasambi baleenekelwa ukulondolola mukushika imibele ya bantu nangu ifintu ifilesangwa mu kashimi ka kulanda akapelwe.



Ifikomo fyakufunda:

- Ukulondolola *imibele* ya bantu nangu ifintu ifisangwa mukashimi ka kulanda
- Ukusobolola cila musango wa mibele ya bantu atemwa ifintu ifisangwa mu kashimi ka kulanda
- Ukulondolola imisango ya mibele ya bantu atemwa ifintu ifisangilwe mu kashimi ka kulanda akapelwe

- Ukulumbula imisango ya mibele ya bantu atemwa ifintu ifisangilwe mu kashimi ka kulanda akapelwe
- Ukuceceta imilimo ya mbela ya cila muntu atemwa ifintu ifilesangilwe mu kashimi ka kulanda akapelwe

Icishibisho kuli Kafundisha:

Kafundisha amone ukutula abasambi baishiba bwino-bwino umwalola *imibele* yabantu nangu ifintu ifisangwa mu kashimi ka kulanda.

Ifya kubomfya pa kufunda:

Ifikope fyabantu na inama, ifitabo, ubunkolanya, ututabo twa nshimi mufikope.

 Ifyakucita 1:

Abasambi bafwile ukulondolola *imibele* yabantu atemwa ifintu ifisangwa mu kashimi ka kulanda.

i. Kafundisha:

- Eba abasambi balondolole imibele ya bantu atemwa ifintu ifilesangwa mu kashimi ka kulanda

Icilangililo:

Imibele ya muntu nangu yacintu icilesangwa mu kashimi ka kulanda kuti yaba misango, imilandile, imimonekele, imitontonkanishishe, imicitile intu umuntu atemwa icintu cilesangwa mu kashimi cikwete, cilelandilamo, cilemonekelamo, ciletontonkanishishamo, cilecitilamo ifintu mukati ka kashimi.

Nga ifi:

Mu citabo **Pano Calo**, Kampinda ewali nga solwe-solwe pa mulandu wakuti ifintu ifingi ifyalecitika mu citabo fyalimukumine pantu:

- Ewaleumfwa ifyo utuni, inkoko, utusense-ng'anda, imbushi, utupaso fyalelanda
- Eobaletitikisha mu kashimi; ukumupoka umukashi, ukumumina pa mukashi wakwe, ukumutunganya ubuloshi na ukumutamfya mu mushi

ii. Abasambi:

- Balondolole imibele ya muntu atemwa ifintu ifilesangwa mu kashimi ka kulanda

Imibombele ileenekelwa:

Imibele ya muntu atemwa ifintu filesangwa mu kashimi ka kulanda ya londololwa ukufikapo.

 Ifyakucita 2:

Abasambi basobolole imisango ya bantu atemwa ifintu filesangwa mu kashimi ka kulanda.

i. Kafundisha:

- Eba abasambi basobolole imisango ya bantu atemwa ifintu ifilesangwa mu kashimi ka kulanda

Ifilangililo:

a. Main/major character (Umwine wa kashimi nangu icine ca kashimi):

Uyu muntu uukwata imibele iyo akashimi ka kulanda lishintililapo. Uyu muntu aba emwine wa kashimi.

b. Minor characters (Abatungilila nangu ifitungilila akashimi):

Bantu abasangwa mukashimi ka kulanda abakwata imibele yakutungilila umwine wa kashimi. Aba bantu nangu ifintu baba abengi.

c. Dynamic characters (Abasangwa pakutampa na imibele imo lelo mukelekelesha bayalula imibele):

Bantu abasangwa mukashimi ka kulanda abakwata imibele iyaibela pakutendeka lelo imibele yabo ilaluka mukupwa kwa kashimi.

d. Flat/static characters (Abantu ababafye cimo cine ukufuma kukutendeka kwa ilyashi ukufika nakumpela):

Bantu abakwata imibele imo ine ukufuma kukutendeka ukufika kumpela kwa kashimi ka kulanda. Aba bantu tabalula imibele yabo mu kashimi.

e. Round characters (Abantu abakwata imibele yonse iya basangwa mu kashimi bonse nangu ifisangwa mu kashimi fyonse):

Bantu abo imibele yabo mu kashimi isuntinkana nangu iipalana na

imibele ya bantu bambi abali mu kashimi ka kulanda. Aba bantu kuti bafyantikwa apali ponse na ukulangisha imibele ilefwaikwa ukwabula ubwafya.

ii. Abasambi:

- Basobolole imisango ya bantu atemwa ifintu ifisangwa mu kashimi ka kulanda

Imibombele ileenekelwa:

Imisango ya bantu atemwa ifintu fisangwa mu kashimi ka kulanda yasobololwa ukufikapo

Ifyakucita 3:

Abasambi balondolole imisango ya bantu atemwa ifintu ifilesangwa mu kashimi bapeele

i. **Kafundisha:**

- Eba abasambi balondolole imisango ya bantu atemwa ifintu ifilesangwa mu kashimi bapeele

Icilangililo:

Ukupyanyika (Ukufuma mu “Ubukakashi Bwa Mfwa”)

Mu musumba wa mfumu Nkole kwa Mpula mu Kapiri Mposhi mwaikela namayo Bulanda uwaupilwe ku mwaume Mufulo. Mu cupo cabo, baikela imyaka isaano kabili bakwete abaana babili. Baaliitemwanene nganshi icakuti lyonse balesangwafye pamo kabili abansansa. Mufulo ewalifye umwaume eka uwasambilile mulupwa lwakwe kabili ewalemonekafye uwaemba. Mufulo aali ni kafundisha pa Nkole Primary School.

Ba ndume-nankwe baali bakapeepa wa fwaka, bambi nabo baali ni bacakolwa elyo abaliko bwino baali ni bakoca wa malasha. Kanshi nga waelenganya kuti waishiba imimonekele na imibeele yakwete babukwe bakwa Bulanda. Califye bulanda bweka bweka na ilyo umulume aali na umweo. Bakapeepa wa fwaka nga baya pa ng’anda pali Bulanda, paleumfwika kwati epo balimina iciputa ca fwaka. Ba cakolwa nabo nga bayapo, paleumfwika kwati batwalapo imbeketi sha katini ka bwalwa. Kanshi Bulanda limo limo aletala acimfulako tunono pakufumya insoni nga babukwe bakwe baisa. Umo pa baice bakwa Mufulo abali bakapeepa uweshina Iya Mutembo, aishile yakubupatili.

Mu myaka isaano Bulanda aikele na umulume, aali ekasobolola wa milandu ya bwikashi bwa balupwa ba mulume. Aaleti nga amona ba cufi munakwe batutula ifitenge, abalekelako insamu akwete kabili nga amona ba bukwe ifikamba fya fula, alefukama ku mulume na ukubalombelako amatoloshi. Bulanda aali umwanakashi uwa mutembo kabili aale umfwa bwangu ubulanda nga amona umuntu aishiba alecula.

Ilyo Bulanda aikele imyaka ibili mu cupo na Mufulo, aile ku isukulu na ukukanshiwa nga kafundisha. Mu mwaka walengele ine, Bulanda apwishishe amasamililo na ukutendeka imilimo ya bukafundisha mu mwaka uwalengele isaano mu cupo. Bulanda na Mufulo balefunda pa isukulu limo line.

Panuma ya kufunda imyeshi mutanda, Bulanda na Mufulo bayashime indalama ku butala bwa ndalama ubwa ZANACO mu Kapiri na ukushita akambayambaya ka kwendelamo. Pali iinshita, ubumi bwalitendeke ukufunguluka. Baaleya ku kalale ku Kapiri pa nshita balefwaya ukwabula ubwafya. Ici calengele bakafundisha babiye na abekala mushi baleti, “Bulanda na umulume baleyumfwa.”

Ubushiku bushilile kantu, Mufulo aile eka kwi boma lya Kapiri Mposhi na ilyo alebwela, asangile imbushi ishingira pa musebo pa Mafwasa, ayeshe ukushileuka, iceshama kulya kwine alungeme eko nasho sha butukile, na kuli pelepele apunkilepo shitatu. Ici calengele akambayambaya ukufuma pa musebo na ukuya iingila mu ibala umwali imputa ishikulu na ukushima. Mufulo ayumine icifuba pa citekenyo na ukutendeka ukufuma umulopa mu kanwa na mumona. Akambayambaya takaonaike nangu pamo. Ilyo bakafundisha banankwe aba pa Mafwasa baumfwile, baile mufumya mukambayambaya na ukumubutushisha ku cipatala cikalamba ku Kapiri Mposhi ku kuya cecetwa na ukundapwa.

Ilyo bamufishishe ku cipatala cikalamba, bashi ng'anga bali mu tangete bwino na ukumukulikila icibotolo ca menshi na icamuti. Icabipishe cakuti umulopa uwingi wasumiine mumala na ukwamba ukutikama. Bulanda aishibe ubusanso bwa mulume panuma ya insa imo na ukubutukila ku cipatala. Bulanda aikelefye na umulume pali ba miniti amakumi yabili na ukufwa afwa.

Bulanda asendele icililo na ukuyateeka pa sukulu pa Nkole apo balebomba na umulume. Ulupwa lwakwa Mufulo talwakwete pa kuma ukuboko mu mukuteyanya kwa kushika. Panuma ya nshiku shibili, bakafundisha baumene akapi na ukupangisha imbokoshi. Mu cungulo kasuba ubushiku bumo bwine, baile senda umubili wakwa Mufulo na ukuya shiika.

Panuma ya nshiku shibili ulupwa lwapashile icililo. Umulungu wakonkelepo ulupwa lwakwa Mufulo lwasalile Moloshi kapeepa wabipishe, cakolwa kabili ntala misoka ukupyana Bulanda. Bulanda alililile lelo tacamwafwile pantu ukupyanika lwali lutambi lwa kufumya iciwa ca mulume pa mubili wakwe. Ulupwa lwa bulile akambayambaya na ukupeela Moloshi impyani ya kwa Mufulo ukwabula ukutontonkanya pa mukashi Bulanda. Ulupwa lwalundilepo ukupeela Moloshi ifyakufwala fyonse ifya muyashi.

Abantu bali mu kashimi na imibele yabo kuti basobololwa nga ifi:

1. **(Main character) Umwine wa kashimi**

Ni bulanda

2. **(Minor characters) Abatungilila akashimi**

Ni Mufulo, Moloshi, abana elyo na Mutembo

3. **(Dynamic characters) Abasangwa pakutampa na**

imibele

imo lelo mukulekelesha bayaluka

Ni Mutembo

4. **(Flat/static characters) Abantu ababafye cimo-cine
ukufuma kukutendeka kwa kashimi ukufika
nakumpela**

Ni Moloshi

5. **(Round characters) Abantu abakwata imibele
yabasangwa mu kashimi bonse**

Ni Bulanda

ii. **Abasambi:**

- Balondolole imisango ya bantu atemwa ifintu ifilesangwa mu kashimi ka kulanda kapelwe

Imibombele ileenekelwa:

Imisango ya bantu atemwa ifintu ifilesangwa mu kashimi ka kulanda kapeelwe ya londololwa ukufikapo

 Ifyakucita 4:

Abasambi basalulule imisango ya bantu atemwa ifintu filesangwa mu kashimi ka kulanda kapelwe

i. **Kafundisha:**

- Eba abasambi basalulule imisango ya bantu atemwa ifintu ifilesangwa mu kashimi ka kulanda kapeelwe

Icilangililo:

Akashimi kafuma mu citabo ‘Pano Calo’ ibula lyabumo ukushinta ku lya bubili.

Ukufyalwa kwakwa cibulu

Bushiku bumo umwanakashi afumine mumushi umo baikele na wiba, mu musumba; ayaaletundusa amapanga na mapanga ku kumona ba nyina uko baikele ku mushi umbi ukutali. Aimate

ilyakuti kwati ni bampundu bakapongolokamo. Asuka ayamona abafyashi bakwe, na ku mutima kwatalala. Ailepwako utushiku tumo-tumo.

Pakubwela, cilya aisa alapalama ku musumba uko aleya, bakumana na bantu abasendele icala baletwala ku kushika. Icala basendele: mukote uwa mumushi umo mwine, umukote ashele afwa ilyo wena acili ku kumona ba nyina. Bati bakumane ifi, umwanakashi aluba na icamwiminika. Abapingile icala nabo baluba na icabeminika, baiminina fye shilili bonse. Elyo icala calaeba umwana munda muli nyina, ukwabula ukuti abantu bomfwe, aciti: ‘Iwe we mwana uli umo mwifumo, waya kwi?’

Umwana mwifumo ati: ‘Naya ku kufyalwa.’

Icala aciti: ‘We mwana wiesha kufyalwa: pa calo tapaba kuwamya; iwe twende fye ubwekelemo: mona ine ninsuka nimfilwa, nimfumapo.’

Umwana munda ati: ‘Na ukwangala namwangala shikulu, bushe imyaka yonse iyi mupwilepo, nga usuule.’

Umukote mu cala ati: ‘Ifyo fine nakweba we mwana bwekelamo; pa calo tapaba kuwamya. Ifya maliila fyonse, na ifyo abene batila ukusansamuka, na ubukanakala, na ukucindama, ala fyafye: nico fye abeene tabaishiba kabili tabafwaya na ukwishiba ukuti icalo cabafumbatikafye icisushi. Iwe we mwana, bwela, ku kufyalwa wiyako.’

Umwana munda nao akana ati: ‘Awe shikulu, leka ne mwine nje njimwene.’

Umukote mu cala ati: ‘Mwa?! Cisuma tata kabiye. Nomba, nga ulefwaya ukuyamwensekesha bwino-bwino, pa kufyalwa uyefyalwa cibulu.’

Umwana munda ati: ‘Cisuma, ico cena natesha, nalayacita ifyo fine.’

Umwanakshi nomba aluba na icatila akwenda. Abapingile icala nabo baluba na ifyo batendeka ukwenda. Bapusana, umwanakashi alaaya mu mushi, abapingile imfwa nabo balaaya ku citengelwa.

Umwanakashi afika mumushi. Balaposhanya na umulume bwino-bwino. Na babiye baisa, balaposhanya na imipembu yamoneka bwino-bwino. Ubushiku cilya bwakosa, umwanakashi amulopola: umwana umwaume umusuma nganshi; wishi fye sutu. Bana-cimbusa batemwa nganshi, balacankwa fye. Mu ng'anda mwaba na insansa; na bakwindi mu mutenge batemenwa kumo, pantu imbuto kuti baleifokotwelapo fye na uwakuloleshako iyoo. Wishi kwa mwana nao ishina lyakwe Citi, asansamuka sana pantu ekubeleka. Tunasenge kwa mwana, na tunakulu, awe cawama nganshi. Ubo bushiku kuti wayabalomba umuseke wa mbalala bakupela, bakubikilapo na shimbi mu mfunga.

Ukusalulula abantu na ifintu ifisangwa mu kashimi:

(Main characters) Basolwe-solwe mu lushimi:

- Umwana munda
- Umukote mu cala

Minor characters (Abaleafwilisha basolwe-solwe mu lushimi):

- ✓ Umwanakashi uwa ifumo na umulume
- ✓ Abantu basendele icala
- ✓ Tunakulu na tunasenge, ababiye ba mwanakashi
- ✓ Bakwindi mu mutenge

ii. Abasambi:

- ✓ Basalulule imisango ya bantu na ifintu ifisangwa mukashimi ka kulanda

Imibombele ileenekelwa:

Imisango ya bantu na ifintu filesanagwa mu kashimi ka kulanda yasalululwa ukufikapo

Ifyakucita 5:

Abasambi bacecete imilimo ilebomba cila muntu Atemwa cili cintu cilesangwa mu lushimi lwakulanda ulupeelwe

i. Kafundisha:

- Eba abasambi ukucecete Atemwa ukufwailisha imilimo cila muntu Atemwa cila icintu cisangilwe mu kashimi ka kulanda kapeelwe cilebomba

Ifilangililo:

Mu kashimi kapeelwe mu fyakucita 4; imilimo ya cila muntu Atemwa cila cintu cisangilwe mu kashimi kuti yaba ni iyi:

- ✓ Umwanakashi uuli pa bukulu na icala ca mukote balebomba
nga intendekelo ya kashimi
- ✓ Bakwindi mu mutenge balebomba nga inengu, icilepibula ukuti takwaba icintu icinga fisama pa isamba lya calo
- ✓ Banakulu na bana-senge baleimininako ubukankala bwa Lupwa
- ✓ Icala cileimininako ubukankala bwa ifunde, pa mfwana icishinka cakuti uwafyalwa afwile ukufwa
- ✓ Imbalala shilelenga ubukankala bwa fyakulya mu mayanda pantu filaleta insansa na umutende.

ii. Abasambi:

- Balondolole imilimo ya cila muntu Atemwa cila cintu cisangilwe mu kashimi ka kulanda kapeelwe

Imibombele ileenekelwa:

Imilimo ya cila muntu atemwa cila cintu cisangilwe mu kashimi ka kulanda kapeelwe yalondololwa bwino-bwino.



Ukusupawila:

Abasambi basambilila ukulondolola imibele yabantu atemwa ifintu ifilesengwa mu kashimi, ukulondolola imisango yabantu atemwa ifintu ifisangwa mu kashimi, ukulondolola imisango yabantu atemwa ifintu ifisangwa mu kashimi akapeelwe, ukusalulula yabantu atemwa ifintu ifisangwa mu kashimi akapeelwe na ukuceceta imilimo yabantu atemwa ifintu ifisangwa mu kashimi akapeelwe.



Ukwesha abasambi:

1. Londolola umwalola imibele yabantu na ifintu fisangwa mukashimi kakulanda.
2. Londolola imisango ya mibele itatau iyabantu na ifintu ifisangwa mukashimi kakulanda.
3. Londolola imisango yabantu atemwa na ifintu ifisangwa mukashimi kakulanda akapeelwe.
4. Sobolola imisango yabantu atemwa na ifintu ifisangwa mukashimi kakulanda akapeelwe.
5. Peela imilimo ibili iyabantu babili atemwa ifintu fibili ifisangilwe mukashimi kakulanda akapeelwe.

Umutwe Unoono 2: Ubwanshiko bwa Ilyashi

Ubulondoloshi:

Muli uyu mutwe unoono abasambi balasambilila pali plot (bwanshiko bwa ilyashi) lyakulandafye. balalondolola ifiputulwa fisangwa mu plot (bwanshiko bwa ilyashi), kulumbula ifiputulwa fya plot (ubwnshiko bwa ilyashi) elyo na kubebeta ifyo ifiputulwa fya plot (ubwanshiko bwa ilyashi) fya konkana mwi llyashi ilipelwe ilya kulanda.

Ifilekabilwa Ukwishiba:

Abasambi balekabilwa ukubebeta ifiputulwa fya plot (ubwanshiko bwa ilyashi) ifya ilyashi lya kulanda



Ifikomo fyakufunda:

- Ukulondolola plot (ubwanshiko bwa ilyashi)
- Ukwishiba nangu ukulumbula ifiputulwa fya plot (ubwanshiko bwa ilyashi) mu ilyashi ilipeelwe
- Ukubebeta ifyo ifiputulwa fya plot (ubwanshiko bwa ilyashi) fya konkana mwi ilyashi ilipelwe ilya kulanda

Icishibisho kuli Kafundisha:

Kafundisha umone ukutula abasambi babebeta umupwilapo ifiputulwa fya plot (ubwanshiko bwa ilyashi) na ukufilondolola umo fya konkanina mwi lyashi lyakulanda.

Ifyakubomfya pa kufunda:

Ifitabo, ubunkolanya, icilimba, ilyaashi lya mu mapepala



Ifyakucita 1:

Abasambi balondolole ifiputulwa fisangwa mu plot (bwanshiko bwa ilyaashi) ilya kulanda

i. Kafundisha:

- Eba abasambi balondolole ifiputulwa fisangwa mu plot (Ubwanshiko bwa ilyashi) lya kulanda

Ifilangililo:

a **Exposition** (**Ukwishiba abali mu lyashi/Intendekelo ya ilyashi**):

Umu emuli ubulondoloshi bwa kwishiba abali mu lyashi na abalesangwamo/ifilesangwamo.

b **Rising action (Ukwima kwa ilyashi):**

Umu emutendekela utunkofyonkofyo nangu ukupinkana atemwa ukukansana pakati ka bantu nangu ifintu ifilesangwa mu ilyashi.

c Climax (Pakalume ka ilyashi):

Apa epo ilyashi lyumfwika bwino ukumfwako icakuti na uleumfwako abatondolo na ukumona ifyalacitika nga finshi. Apa palashupa pantu limo takuba ukwishiba uulecimfya pantu onse uuibimbilemo alakosa, nipali bwana nembulula. Apa epo abaleumfwa bakabila ukuiposa mubulwi nangu mukupinkana atemwa ukukansana na ukufwaya ukusendamo ulubali na ukulemenena kuli uyo batemenwene na ukupatapo umbi pabalepinkana atemwa abalekansana.

d Falling action (Ukuponwa kwa ilyashi):

Apa ukupinkana atemwa ukukansana ninshi kwacepa na uucimfishe ubulwi ninshi amoneka bambi nokutootela uucimfishe nokuseka nangula ukulililako ubulanda ulya bacilafwaya acimfye. Apa ninshi tonse utu nkofyo-nkofya twakoboloka.

e Resolution (Ukusondolwela/ukupwa kwa ilyashi):

Apa fyonse ninshi fyasondwelelwa nga pali imfwa ukupusana, ukuwikishanya, ukulomba ubwelelo ninshi fyonse fyamoneka. Fyonse ifyafiseme ninshi fya fisamuka. Nipa kusondwelela epo abaleumfwako ilyashi nangula ulushimi basambililapo cimo nangula fibili.

ii. Abasambi

- Bapeele ubulondoloshi bwa fiputulwa fisangwa mu plot (bwanshiko bwa ilyashi lya kulanda).

Imibombele ileenekelwa:

Ifiputulwa fisangwa mu plot (bwanshiko bwa ilyaashi) lya kulanda fyalondololwa ukufikapo.

Ifyakucita 2:

Abasambi bafwile ukulumbula ifiputulwa fya plot (ubwanshiko bwa ilyashi) ukufuma mwi lyashi ilipeelwe ilyakulanda.

i. Kafundisha:

- Eba basambi balumbule ifiputulwa fya plot (ubwanshiko bwa ilyashi) lya kulanda ilipelwe

Ifilangililo:

Mukula-mbulu

Mumushi mwa Tamina ku Kasama mwaishile umulumendo umo ishina lyakwe ni Katema, afumine kwa Sambala. Aishile mukutandilila banalume. Uyu mulumendo kweena alifikile pamushinku wakuupa pantu aali uwashipafye bwino-bwino.

Katema ali umweni nomba imisango yakwe nensoselo tafyalelanga ubweni nakalya iyoo. Uyu mulumendo aali uwacilumba icinecine, na ukuyumfwa amaka. Limo-limo alebila nembila ukuti tapali uwingamuuma kubo alingene nabo, abo acilile, naba mucilile. Ici calengele ababiye ukulamutaluka na ukumutina ngafilya Icibemba catila; ‘umweeni akokota amafupa, ninshi uko afuma amina ayatuntulu’. Katema aletukafye abali bonse makamaka abakashana alefwaya nga bamukaana alebatuka ishamumishingo kanshi abantu tabacindeme iyoo kuli uyu cilumendo.

Katema alemoneka umutali kabili umutuntunshi neshiwi ilikalamba nga alelanda. Icabipishe banalume ba Chansa abo afikileepo balemutina, kabili nokwisa kwakwe tabaishibe pantu tabebele ati akesa batandalila. Kanshi eko afumine kwa Sambala bashele baaula

notumpundu ilyo baumfwile ati mukukulu naya kwa Tamina mukutandala.

Mumushi mwaishile umulumendo naumbi uweshina lya Mututu. Kweni ena taali mweni sana iyoo pantu mwa Tamina emumwabo ailefye kwa Makasa ku Mpanda eko alefwaila ukuupila pantu ekwaleikala banyina mukalamba. Mututu ali uwamucinshi kubantu bonse, ecalengele abantu abengi bamutemwe mumushi mwa Tamina.

Ubushiku buumo Mututu aile mukulengula ubukuuka eko ateele amakanga mupeepi nooko banamaayo baleyabika tuute. Cilya afika mupeepi nefishima baleyabikamo tuute, aumfwa umulumendo aletukana insele ishamumishingo aletuka abakashana. Cilya ati apitefye umutima umo wamweba ati kapalame umone icilecitika. Kuti aposafye ilinso kumona fye abakashana nabafukama balelomba ubwelelo kuli Katema. Pali abo bakashana pali umufyala wakwa Mututu, ishina lyakwe ni Mwansa, kanshi ewaluletele pantu balimufwailwe kuli uyu Taata. Mwansa takene Katema iyoo leelo atiile alefwaya ukuya kusukulu mukusambilila ifyakutangata abalwele mufipatala bu naasi pa Chipatala cikalamba mu Kasama. Kanshi ba Katema nga balemufwaya ukumuupa kuti bamulolelako imyaka itatu, ici ecamuletelele pamo nabakashana babiye batatu.

Mututu ilyo apaleme apali Katema, taishibe na icamufumishemo umwenso iyoo aitilefye Mwansa umufyala wakwe imiku ibili ati “Mwansa! Mwansa! Cinshi ucitile?” Awe Mututu lwamukombokela, bamutuka ishine-shine amweba nokuti, “palama nga uli mwaume walamona ifyo nalakucita”, alamutuka na insele shacaume. Mututu afwampwikefye nga akamumfuti nokufwemba Katema mwishati nokulepuka lyalepuka ninshi alepemashikafye elyo ati; ‘uwafwa tamona mulopa wakwe’. Katema atila calikulile

aposa na ikofi. Awe umulumendo Mututu akubila lyapita, nalimbi ilyo! Aawe, nakalya aumafye mumwela nomba namaka Katema yamupwa filya batila; ‘ubushiku bushili boobe tabucilwa ibaka’. Mututu aposelefyeye limo ilyakukuso na ukuma Katema pamoona awe na umulopa wasabuka awa napanshi icipense-pense, patalala na tondolo. Abakashana nomba batampile ukupapata Mututu ati epwililisha umunankwe.

Kanshi ilyo Katema abukile ninshi nafulungana taishibe necacitike leelo ninshi ishata nalilepauka nalisambinkana kumulopa nefimina, akontamina panshi kunsoni atampa na ukulomba ubwelelo kubakashana nakuli Mututu ninshi alelila aleyebelela ati taishibe icalemubomfya. Kanshi iliyashi lyaila lilepya nga umulilo nga filya icibemba citila ‘ubushiku bufwile insofu na ilyashi libapo lya Nsofu’. Ili lyashi lyaila lilepya nga umulilo mumushi mwa Tamina, mu Mungwi, Mu Malole nemishi yashinguluka. Filya tabacita, ‘umweni takula kanwa akula ifumo’. Patiile kashimi kapela.

Muli ili lyashi muli ifiputulwa fya plot (ubwashiko bwa ilyashi) ifili nga ifi:

a **Exposition (Intendekelo ya ilyashi):**

Ili mu cipande ca bumo icilelondolola pali Katema, uko afumine.

b **Rising action (Ukwima kwa ilyashi):**

Ili mu cipande ca bubili na butatu umo umulelondolola pa mafya yantu katema aleetele ku bekela mushi kupitila mukubatuka insele.

c **Climax (Pakalume ka ilyashi):**

Ilesangwa mu cipande ca bune na busano emo Katema aishile kumana na Mututu uyo uwaishile mupwisha ukusamwa kwakwe panuma yakumupuma.

d **Falling action (ukupona kwa ilyashi):**

Ili mu cipande ca mutanda umo katema aishile kwata insoni panuma yakumupuma kuli Mututu na ukumupwisha umusamwe uwakutukana insele abena mushi.

e **Resolution (Ukusondolwela/ukupwa kwa ilyashi):**

Ili mu cipande calenga cine-lubali pantu nomba ubwafya abantu ba mu mushi baleshingwana nabo ukufuma kuli katema nomba bwapwa ukupitila muli Mututu.

ii. **Abasambi:**

- Balumbule ifiputulwa fya plot (ubwanshiko bwa ilyashi) ukufuma mu ilyashi ilipelwe ilya kulanda

Imibombele ileenekelwa:

Ifiputulwa fya plot (ubwashinko bwa ilyashi) fya ilyashi lya kulanda ilipelwe fya lumbulwa umupwilapo

 Ifyakucita 3:

Abasambi babebete ifyo ifiputulwa fya plot (ubwanshiko bwa ilyashi) fya konkana mwi llyashi ilipelwe ilya kulanda

i. **Kafundisha:**

- Eba abasambi ukubebeta ifiputulwa fya plot (ubwanshiko bwa ilyashi) ukulingana na ifyo fyakonkana mwi ilyashi lya kulanda ilipelwe

Ifilangililo:

a **Exposition (Intendekelo ya lyashi):**

Twacumfwa pamushi pa Tamina, umulumendo Katema uwafikile pali ba Chansa uwaleshupa nakusaalula abekalamushi.

b **Rising action (Ukwima kwa ilyashi):**

Mututu aisa ukufuma kwa makasa.

c **Climax (Pakalume ka lyashi):**

Mututu aya mukulengula ubukuuka aumfwa insele, umutima wamweba ukubutukilako. Asanga Mwansa umufyala wakwe nafukama alepapata Katema pafyo talufyenye. Katema atuka Mututu amweba nokutula palama nga uli mwaume, Mututu ailefwemba Katema neshati lyalepuka, atile uwafwa tamona mulopa wakwe, bwangu-bwangu Katema apoosa amakofi yabili yonse apusa namaka yamupwa. Mututu aposelefyeye limo muli Katema lyamwikata awa napanshi na umulopa wati na subululu na ishathi lyasambinkana awa napanshi afilwa na ukwima pamulandu wamwenso nensoni ifyamwikate.

d **Falling action (ukupona kwa ilyashi):**

Katema aima atampa ukulomba ubwelelo pafyo alelufyanya ninshi nafuuka na ukunakililia nga akakukutwi. Nakuli pelepele ilyashi lyaille lilepya nga umulilo na Mututu aba na impalume yabulwi, kacimfya.

e **Resolution (Ukusondwelela kwa ilyashi):**

Ili lyashi lyaille lilepya nga umulilo mumushi mwa Tamina, mu Mungwi, Mu Malole nemishi yashinguluka. Filya tabacita, ‘umweni takula kanwa akula ifumo’

Muli ili lyashi twamona ifyo ifiputulwa fya plot (ubwshinko bwa ilyashi) fyakonkana mu lyashi lya kulanda ilipeelwe.

ii. **Abasambi:**

- Babebete ifiputulwa fya plot (ubwanshiko bwa ilyashi) ifyo fyakonkana mwi lyashi ilya kulanda ilipeelwe

Imibombebele ileenekelwa:

Ifiputulwa fya plot (ubwanshiko bwa ilyashi) fya bebetwa ukulingana na ifyo fyakonkana mu ilyashi lyakulanda ilipelwe bwino-bwino.



Ukusupawila:

Abasambi basambilila ukulondolola, ukulumbula na ukubebeta fiputulwa fya plot (ubwanshiko bwa ilyashi) umo fyakonkanina mulyashi lya kulanda.



Ukwesha Abasambi:

1. Londolola umwalola plot (ubwanshiko bwa ilyashi)?
2. Tantika ifiputulwa fya plot (ubwanshiko bwa ilyashi) umo fyakonkanina.
3. Panga ilyashi na ukulibika mufiputulwa fya Plot (bwanshiko bwa ilyashi) elyo na ukufilondolola bwinobwino.

Umutwe Unoono 3: Inshita na Incende ya Ilyashi

Ubulondoloshi:

Muli uyu mutwe abasambi balasambilila pa fyo ilyashi lyakushimika lifwile lyakwata pakuti bakomfwa bomfwe bwino ifilecitika. Ilyashi lyonse lilalanga inshita na incende iyo lyacitikileko. Iyi inshita kuti yaba ya bushiku, akasuba, limbi ni mumainsa, mu lusuba nangu munshita yakale nakale. Incende na inshita ya ilyashi filenga bankomfwa ukuibimbamo mulyashi pantu limbi incende nangu inshita ili mu lyashi limbi ekobali nangula baliyako balishiba na ificitika, nangula ukubakuma pakuti bayafwilishiwa. Eico kanshi abasambi muli ili isambililo balabebeta setting (inshita na incende iya ilyashi) mu lyashi lya kulanda.

Ifilekabilwa Ukwishiba:

Abasambi balekabilwa ukubebeta setting (inshita na incende ya ilyashi) ya ilyashi lya kulanda



Ifikomo fyakufunda:

- Ukulumbula ifiputulwa fya setting (inshita na incende ya ilyashi)

- Ukulumbula ifiputulwa fya setting (nshita na incende ya ilyashi) mu ilyashi ilipeelwe ilya kulanda
- Ukubebeta ifiputulwa fya setting (nshita na incende ya ilyashi) mu lyashi ilipeelwe ilya kulanda

Icishibisho kuli kafundisha:

Kafundisha amone ukuti abasambi balumbula na ukubebeta incende, inshita, imikalile na imbela ya bantu mwi lyashi lya kulanda.

Ifyakubomfya pakufunda:

Icilimba, Ifitabo, ubunkolanya na expert (incenshi nangula abaishiba)

Ifyakucita 1:

Bapeele ifiputulwa fya setting (inshita na incende ya ilyashi) ifya ilyashi lya kulanda

i. Kafundisha:

- Eba abasambi balumbule ifiputulwa fya setting (nshita na incende ya ilyashi) ifya ilyashi lya kulanda

Ifilangililo:

- ✓ Inshita
- ✓ Incende uko lyacitikilemo
- ✓ Imikalilie ya bantu bali mu ilyashi
- ✓ Intambi shabo
- ✓ Imbela babelelemo nga cakukuti na bafulwa nangu bali na insansa

ii. Abasambi:

- Abasambi balumbule ifiputulwa fya setting (inshita na incende) ifya ilyashi lya kulanda

Imibombele Ileenekelwa:

Ifiputulwa fya setting (inshita na incende ya ilyashi) ifya ilyashi lya kulanda fya lumbulwa bwino-bwino

Ifyakucita 2:

Ukulumbula ifiputulwa fya setting (inshita na incende) ifilesangwa mu ilyashi ilipeelwe

i. **Kafundisha:**

- Eba abasambi ukubelenga ilyashi ilipeelwe na ukulumbula ifiputulwa fya setting (inshita na incende) ifya ilyashi lya kulanda

Icilangililo:

Icipande 17 (Ili lyashi ilipeelwe peesamba lifumine mu katabo, ‘Sheli Wacibili akalembwa naba W.B. Chilangwa, ibuula 134).

Ubushiku bwakuti ati mailo akafuma mu cifungo, Sheli taleele nangufye panoono. Alefilwa na ukusumina ngacakutila atontokanyapo saana. Mu mutwe mwaiswile ifintu ifingi saana. Ayamba na ukulapanga nefyo akacita nga cakutila bamufumya. Atampa ukulaibukisha abanakwe bamo -bamo, alatontokanya nefyo bakacita ngabamona.

Limo-limo aleetontokanya ati, nalimo bakalamutiina pa mulandu wakufuma mu cifungo. Sheli aibukisha na ukwibukisha ati, alikwete na indalama K36 isho bakapokola ba musungile. Kasutikesi kakwe ako bamusungile, mwali akali jaketi, ishata limo elyo netoloshi limo. Ubushiku nabo bwakokwele icibi. Sheli umwine amwene umwaka uutuntulu wapwile pa kuloleela.

Cilya bwaca uluceelo Sheli bwangu-bwangu awamya napa bedi alelaala. Alalolelafye ukutula bese ba mwite aleeya. Awe alolela, alolela mwe, nabo ababula na ukuti bese.

- ✓ **Inshita:** Muli nshita ya bushiku na akaceelo
- ✓ **Incende uko ilyashi lyacitikile:** Ni mu cifungo
- ✓ **Imikalilie ya bantu bali mulyashi:** Bali bakaili
- ✓ **Intambi shabo:** Sha bantu abakakwa mu cifungo
- ✓ **Imbela:** Sheli abalelemo ya insansa ico ali na ukufuma mu cifungo

Ishiba ukuti: Abasambi kuti baumfwa na ilyashi lileshimkwa mucilimba nangu kumusambi munabo elyo na ukulumbula incende uko ilyashi lyacitikile, inshita, imikalilie ya bantu na intambi shabo elyo na imbela ya bantu

ii. Abasambi:

- Abasambi mumabumba balumbule ifimputulwa fya setting (Inshita na incende) ifili mu lyashi ilipelwe ilya kulanda

Imibombele Ileenekelwa:

Ifiputulwa fya setting (inshita na incende) ifya ilyashi ilipeelwe ilyakulanda fya lumbulwa bwino-bwino

Ifyakucita 3:

Ukubebeta setting (inshita na incende) mulyashi lipeelwe

i. Kafundisha:

- Eba abasambi ukubebeta setting (inshita na incende) mu lyashi lipeelwe

Icilangililo:

Icipande 16 (Ilyashi ukwampulula mu citabo ‘ICONA-NSWA’ ibuula 199-200, icalembwa naba P. Mubanga)

Kumacaca panshiku ya Mulungu twaumfwa batukuntula. Kuti cilia twapwa ukufwala, imfula yebele naisoko. Abantu bonse abali mucisasa bafulumukamo, babutukila mumayanda. Ico bafulishe bambi baiminina munkolo. Cilya Chola ati esuleko pakuti alande nabaishile tukuntula, twaumfwa babilikisha abati, 'Naaya bane, nalabwela imfula nga yatubilishako'. Ico caali cupo cipya twabwelela pabulo twatoba nemitwe. Imfula cilia yamimako cinoono, kwaisa necikuuku icacipesha mano. Ing'anda yalatenta kwati kwapita icikukuma. Abaiminine munkoolo bonse balailonga mumayanda ku mwenso. Umutenge pakayanda twalelemo cikanga ufimbuke. Kunuma yalukungu ico kwali umuti uukalaamba kuti tuleumfwa nooko imisambo ileekuusa pamutenge. Twaumfwa elyo yafyulika iyamabwe. Akashita cinoono yaleka. Ili ukubyata na ukupanta kwacilamo.

Naumfwa umutima wasama nomuli wakaba nasee kumwenso. Kashita-kashita twaumfwa yapantisha, twaikupilisha ubulangeti kumenso nomba twalapeemafye nga amafutu yaingila kucimpelesha. Chola ankumbatisha ebele, 'Mwati leelo tulepusuka? Awe cumi ukupanta kwacilamo. Kabili yaba ngeyaponenafye muno mushi. Weluba lyandi, umutima wakulunkuntisha muno, njikatisha muminwe uleke tupepe pantu imfwa fwebantu yatuteeka kumunga wefwafwa. Abe mukote umwaice, umulumendo, cikashana, na-cisungu, uulipabukulu, imfumu, namfumu, nangu abaleloosha nafwebalesansamuka beene ninkupilwa kumo nga yafika.

Mulyashi ilipeelwe, muli:

- ✓ **Inshita:** Mulyashi lipeelwe yaali kumacaca ukulingana na kalemba pantu bali tabalabuuka mubulo, elyo ubushiku buli bwapa Mulungu, kabili ninshita yamainsa pantu imfula ileloka
- ✓ **Incende:** Ukulingana na kalemba bali munga'nda pamusengele, pantu natumfwa uko kalemba atile 'cilya imfula yapantisha baikupikisha ubulangeti ku meenso. Elyo bambi balipanse munkolo

- ✓ **Intambi shabo-** Aletweba pabantu abaupana abali mumusengele nabaikupilisha amalangeti na ukukumbatana, ekuti abantu baupana basendama pamo eflyo ulutambi lusosa. Teyapo peeka, balishibe na Lesa
- ✓ **Imbela yabantu bali mulyashi:** Bali na umwenso kumulandu wa cibulukutu ca mfula na icipuupu
- ✓ **Imikalile:** Abantu bali mulyashi baali abaikatana na ukupempushanya, pantu ukulingana na kalemba kwali abalekonkonsha abaishile mukupempula

ii. Abasambi:

- Babebete setting (inshita na icende) ya lyashi lipeelwe

Imibombele ileenekelwa:

Setting (inshita na incende) ya ilyashi lipeelwe yabebetwa bwino-bwino



Ukusupawila:

Abasambi basambilila ukuti ilyashi lyonse ilyakushimikwa lilalanga inshita, incende lyacitikilemo, imikalile, intambi na imibele ya bantu.



Ukwesha Abasambi:

1. Shimika ilyashi ilyo waumfwapo nangula ilyakwelenganyafye.
2. Mu lyashi washimika, langa incende, inshita elyona ukolyacitikile.
3. Landa pa mikalile yabantu bali mulyashi, intambi shabo elyo na imibele yabo.

LESSON PLAN

SCHOOL: Kapiri Mposhi Secondary School

NAME OF TEACHER: Enart Sichiyasa Gondwe

DATE: 10/ 02/ 2025

TIME: 08.00 - 09.20

CLASS: Form 1 B

DURATION: 80 Mins

SUBJECT: Litolica mu Cibemba

TOTAL NO. OF PPS: 54

TOPIC: 1.5 Litolica Iyalembwa

BOYS: 28

GIRLS: 26

SUB-TOPIC: 1.5.3 Ukupalana na ukupusana kwa misango ya Litolica Iyalembwa.

SPECIFIC COMPETENCES: 1.5.3.1 compare and contrast forms of written literature

RATIONALE: This lesson is on comparing and contrasting forms of written literature. Learners will be able to recognize similarities and differences among the three forms of written literature and develop the skill of decision making. Class discussion, question and answer, group discussion will be used to execute the lesson. This is the first lesson in the series of three lessons.

REFERENCES:

Literature in **Zambian Languages Secondary Education Ordinary Level Syllabus-Form 1-4** (page 6)

Literature in **Icibemba Form 1- Teaching Module**

TEACHING AND LEARNING MATERIALS: Literature books for; poetry, prose and drama, chart, and work cards.

PRE-REQUISITE KNOWLEDGE: Learners already have knowledge on the forms of written literature.

LESSON PROGRESSION:

STAGE/TIME	CONTENT	TEACHER ACTIVITIES What should the teacher do?	LEARNERS ACTIVITIES What should the learners do?	ASSESSMENT CRITERIA
1 (10 minutes)	Activity 1: Introduction/Revision The previous lesson	a) Ask learners to state the forms of literature	b) State the forms of literature c) Give	Listing the three forms of written Literature; prose drama and poetry. (ukulumbula

	looked at the forms of literature: prose, poetry and drama.(mwisambililo lya fumineko twasambilile pa misango ya Litalica Iyalembwa apali nga; ifitabo fya ilyashi, amalango na utusela) Prose is narrative of considerable lengths in which characters and actions that represent real life are portrayed in a plot of more or less complexity. (ifitabo ifyalembwa na ilyashi Ilyatantalila) Poetry is an oral or written composition in verse. (Amalango ayalembwa mufisemo) Drama is a composition in verse or prose presenting a dialogue. (Utusela utwalembwa kwati limbi abantu balelanshanya)	and give brief explanations of prose, poetry and drama	brief explanations of prose, poetry and drama	imisango ya Litalica Iyalembwa apali nga; ifitabo fya ilyashi, amalango na utusela)
2 (30 minutes)	Lesson development Activity 2: Similarities of forms of literature i. Tools of storage for cultural norms	Introduces the lesson of the day. - similarities of forms of written literature	Learners to discuss the similarities of the forms of literature using a chart	Similarities of forms of written Literature discussed as; inshila ya kusungilamo intambi,

	(ninshila ya kusungilamo intambi) ii. They can stand a taste of time (filasungwa inshita ntali pakutula abaana kukula baisa belenga ifyo abantu baleikala na ukucita akale) iii. They contain important themes that have values in society (fyonse filakwata icikomo (theme) icikankala icakufunda abantu)	Discuss with the learners the similarities of forms of literature using a chart		ukusungwa inshita ntali pakutula abaana kukula baisa belenga ifyo abantu baleikala na ukucita akale, fyonse filakwata icikomo (theme) icikankala icakufunda abantu)
3 (15 minutes)	Activity 3: Group work (20 minutes) Card 1: what are the other two similarities between prose and poetry Card 2: what are the other two similarities between drama and poetry Card 3: what are the other two differences between prose and drama	Ask learners to be in groups of five (5) and distribute work cards for the groups	Learners to discuss in groups of five what has been given to them by the teacher	Group discussion Similarities of the forms of written Literature discussed in groups

4 (10 minutes)	Activity 4: Presentation on similarities of forms of literature	To guide learners and write the responses on the board	The learners to present what they have discussed through group secretaries	Presentation on the similarities of the forms of written literature presented by group leaders to the whole class
5 (10 minutes)	Activity 5: Individual work Expected Answers A. Both prose and drama contain themes that have to be communicated to society. (fyonse ifitabo fya malyashi na utusela filakwata icikomo icakufunda abantu) B. Both Poetry and drama are written to be performed to the audience (Amalango na utusela filembwa kwati kalemba alesosa ku bantu) C. Both prose and poetry use a narrator (fyonse ifitabo fya ilyashi na utusela filakwata uulelanda ilyashi)	Give a class exercise Class exercise 1. Write two similarities on the following: A. Prose and drama B. Poetry and drama C. Prose and poetry D.	Learners to answer the questions individually	Class exercise on similarities of the three forms of written literature answered correctly as follows; ifitabo fya malyashi na utusela filakwata icikomo icakufunda abantu, Amalango na utusela filembwa kwati kalemba alesosa ku bantu elyo ifitabo fya ilyashi na utusela filakwata uulelanda ilyashi
6 (5 minutes)	Conclusion	To recapitulate on the lesson by asking a learner to	To give some similarities of the forms of	Lesson successfully concluded by

		state some similarities of the forms of literature	literature	stating some similarities of the forms of written literature.
--	--	--	------------	---

EXPECTED STANDARD: Similarities of forms of Literature identified correctly

LESSON EVALUATION AND THE WAY FORWARD:

.....

.....

.....

.....

.....

.....

BIBLIOGRAPHY

- Akombo. S, Karanja. B, Njoroge. L and Mukunga. M (2010) K.C.S.E: **Golden Tips English**. Nairobi: Moran Publishers.
- Asheli, N (2011) **Advanced Level Literature: An Essential Guide**. Dar es Salaam.
- Bukagile. G.R, Nyangwine. N, Yogo. M, Msabila. D.T and Mhilu. G.G (2008) **Advanced Level Literature: Theory of Literature, Novels, Plays, Poetry, Stylistics and Communication Skills**. Dar es Salaam: Nyambari Nyangwine Publishers
- Chanda VM (2002). **Introduction to the Study of Bantu Languages**. LAL 211 Batch 1. UNZA. Lusaka.
- Colston, H. L. (2015). **Using figurative language**. Cambridge University Press.
- Glucksberg, S. (2001). **Understanding figurative language: From metaphor to idioms**. Oxford University Press.
- Keraf, G. (2009). **Diksi dan Gaya Bahasa** Jakarta: PT. Gramedia Pustaka Utama
- Mbwayu, J (2003). **Introduction to the Study of Poetry and Drama** E122 Batch 1. UNZA. Lusaka
- Ministry of Education (2024). **Literature in Zambian Languages Ordinary level Syllabus**. Curriculum Development Centre. Lusaka.
- Musonda B.L (2002). **Introduction to Literary Studies** LAL 221 Batch 1. UNZA. Lusaka
- Rasinski, T., Smith, M. C., & Zutell, J. (2017). **Go figure! Exploring figurative language, levels 2–4**.
- Savan & Grehan (1986). **Readings in Poetry**. Kenneth Kaunda Foundation. Lusaka.
- Shell Educational Publishing.
- Vulchanova, M., Milburn, E., Vulchanov, V., & Baggio, G. (2019). Boon or burden? **The role of compositional meaning in figurative language processing and acquisition**. *Journal of Logic, Language and Information*, 28, 359–387. doi:10.1007/s10849-019-09282-7